

Miti Mande Makiko

Nakayáñaró Mu

Mande Kembé

Sokome ñako Yesuko **Mesaiya** tero maheró koro sowo mande ka. Komo suki uni kato sokome ña **Grik** mandewore nakayáñaró, quko eneño owí kama nakayáñaró. Komo **Anutu koro huru-huru** koro tapá unindo soso ñande yañgurí, ko uni ka, owí Jon Mak, ñundo nakayáñaró. Tapá uni komo qu kato sokome kano ñande nakayáñaró, “Makiko Pita koro mañgó rero mande soso yesowaró ñu okeyá ta nakayáñaró.” Ñundiro nañge nore sokome ñaro yeteto, Miti Mande Mak Nakayáñaró Mu, dokoro **Mesaiya** maheró koro piña mande ñuko **miti mande** ñundiro. Itaka ño-ño uni kumimbo ñande yeyotenggo, 50AD koya 60AD keweroko ñuno nakayáñaró, peka. (Asa “50AD” murí muko ñandiro, Yesu pisiyaró, yate kumima naru 50 ñunde rotaró. Nore kumima naru 2,000 ñunde rotoro yate itaka yeteto.)

Uní qambu qundo ñande ye ñoyotenggo, ko Makiko sokome ña **Rom** yendémo ñuno nakayáñaró. **Huru-huru** koro tapá uni komo qundo Pita **Rom** ñuno uri khumaró ñunde yañgurí. Asa ko **Rom** ñuno Pita Yesu koro sowo mande soso yiní Mak ñoro nakayáñaró. Enendo **uni wini meyowo** koro nakayáñoro Juda muríye wisiyo yunaró. Ñjuya Juda koro mandeye kumi nakayáñoro ñu mande ñuro murí wisiyaró.

Ñu naruko ñuno Israel mirako ñuno Juda unipareto eneño miraye kama sopoyañgurí. Hamó, eneño uni kembéyembo sopo yerengurí, quko wiri yerete uni meyowombo uni kembé ñu wiri yereyara. Wiri yerete uni parámi ñuko **Rom** uni ka, ko eneño kuma unindo unipare soso mirane-mirane kondé yondowoyañgurí.

Asa nimímbo Yesu pisiyoní parámi tero hurí tero kho tero **Anutuko unipareyó wiri yereweya naruyó** ñuro yesowoyaró. Yate-yate Juda koro uni kembé-kembémbo Yesu koro mandí ñuro piyimiñoro sañgirí tero rero **Rom** koro sopo-sopo unindoro kandímbo rañgurí. Ñjunde ri Yesu uroní khumaró. Khumoní Anutuko riní pitu ko otoqaró. Ko enendo itaka samboko yote.

Jonko Yesu koro roŋgaruwaró

(Matyu 3:1-12; Luk 3:1-9,15-17; Jon 1:19-28)

1 ¹Yesu Kristo,^a Anutu koro Naŋuní, ŋuro miti mande ŋuko ŋandiro.
²Komo suki, Aisaia, ye-ye uni ŋundo,^b mande ka ŋande nakayáŋaró,

“Ŋo, nondo uni ka mande yesowo yimitoyoweya qu asáŋowe koretero uro keŋo khe qu roŋgaruwoweya.

³Enendo mira wimbímo^c neko yerero ŋande yimiroweya,
 “Uni Parámimboro khe roŋgaruwoya,
 eneŋomboro ore roneneŋoyi qembe.”

⁴Asa ŋundiro Jon, sono re-re uni ŋundo, mira wimbímo^d mahero unipare sono re yunoro^e mande ka yesowo yimitoyara. Mande ŋuko ŋandiro, “Ye quhuríyemboro newonde surumí teya quhurí ŋu se rotoya sono rika Anutuko quhuríye soso se rotoweya.” ⁵Unipare qambu Judia mira koŋgo qu ko Yerusalem yendé moŋgo qu ŋuno uyaro quhuríye tunomo yi Jotan Sono quroko sono re yunaró. ⁶Jonko tuwi kamel huímbo toworo kowí punuwaró. Ko makao kowímbo utóŋo toworo weheŋo newondí kusiyaró.^f Muŋa katu koya siso mindiyómboya neyara.

⁷Unipare mira wimbímo uyari ŋande yesowo yimitoyara, “Imemongo uni ka wimbímboko nene wimbune takate qundo nohowe maheweya. Nondo eneŋo khe punu-punuyómbo utó orosoyewero owé moré kini.^g

⁸Nondo kina sono re yunoteno. Quko enendo Yuqa Surumí sono qembe re yunoweya.”

Jonko Yesu sono re inaró

(Matyu 3:13-17; Luk 3:21-22)

⁹Ŋu naruko ŋuno Yesu Galili mira koro yendé ka, owí Nasaret, rotoro uyaríní Jotan Sonono Jonko sono re inaró.^h ¹⁰Re inoní sono noŋgo arero

^a 1:1 “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni psarámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “*Mesaiya*,” ye nekaŋgurí. Asa Yesu mahíní eneŋo unipareyó, “Kristo Yesu,” ma, “Yesu Kristo,” nange ye nekaŋgurí. ^b 1:2 “*ye-ye uni*” ŋuko Anutuko mandí yunoní unipare yunaŋgurí. ^c 1:3 “mira wimbí” ŋunde quko te moré kini, ko uni kumimbo ŋuno kama kunditeyotongo. ^d 1:4 “mira wimbí” ŋuko Judia mirako Yerusalem andusina ŋuno yora. ^e 1:4 *Grik* mandewore “*sono rewero muri*” muko ŋandiro, oka sono quroko rero pito ko ri areweya. ^f 1:6 Juda unipareto ŋande ye iŋaŋgurí, ko koretero *ye-ye* uni komo qu ka, owí *Elaija*, pitu ko mahero kho ka tiníkata *Kristo* ŋuko maheweya (Malakai 4:5 weyo qembe). Asa Jonko kowe punu-punuyó *Elaija* qembe punuwoyaró (2 Wiri yerete Uni 1:8 weyo qembe). ^g 1:7 Jonko ŋande iŋaró, ko uni huwómo maheweya ŋu (Yesu), eneŋo owí ŋuko Jon koro owí ŋu hamó takaró. ^h 1:9 *Grik* mandewore “*sono rewero muri*” muko ŋandiro, oka sono quroko rero pito ko ri areweya.

koreko tojetiní sambo kosañiní Yuqakoⁱ nú tero sajanímo umburó.

¹¹ Umbuní maŋgo ka sambo koŋgo ñande yaró, “Keko neneño nañone, keño surumí iñoyoteno. Keño meté kereyoteno.”

¹² Ñunde yiniqo, Yuqa ñundo Yesu re mira wimbímo^j asáñaró.

¹³ Asáñoní naru 40 ñunde rotoro mira ñuno yoní Monimbuko towoñoyaró. Mira wimbímo ñuno Yesu númbowe koro mirako yoní sambo simómbo^k samakañoyañgurí.

Yesuko iño-iño rewero uni neko yereró

(*Matyu 4:12-22; Luk 4:14–5:11*)

¹⁴ Tukú uni kumimbo Jon^l rero kusi-kusi yano rañgurí. Imemoñgo Yesuko Galili mirako ñuno uyaro Anutu koro miti mande yesowaró.

¹⁵ Yesoworo ñande yimitoyaró, “Itaka nañge Anutuko unipareyó wiri yereyote naruyó^m ñu tunoqewero tete. Ye quhuríyembo newonde surumí teya quhurí ñu se rotoya miti mande ña iñoya iñondutu ti qembe,” yaró.

¹⁶ Asa Yesuko Galili Sono Towoⁿ tapéwore uyareyate yerepasa ka khoyari tero sono qare siyoyori yiyaró. Yerepasa ñu, owéyari Saimon, Andru, ñundo tirí-tirí^o ka re sono towoko rañoro wosoyariyó. ¹⁷ Asa yiyoro ñande yimiraró, “Mahe nohowiri. Nondo kho ka yunowe unipare Anutusina yowosowari,” yaró. ¹⁸ Yiní waka ta tirí-tiríyari ñu rotoro howariyó.

¹⁹ Soñga ta uyaro Sepeti simó nañuní irisa yiyaró. Yerepasa ñu, owéyari Jems, koneyó Jon, ñundo wañgo tomó ta quño ñuno tirí-tirí se roñgaruwoyariyó. ²⁰ Yiyoro ñande yimiraró, “Mahe nohowiri,” yini awayari, kho uniyari wañgo tomó ta ñuno yorotoro howariyó.

Yesuko yuqa piyimi ka uni quroko yora qu howaró

(*Luk 4:31-37*)

²¹ Asa Kaperneam yendémo^p uyareñgurí. Sapat naruko ñuno Yesuko huru-huru yano^q oro Anutu koro mandí rondaqe unipare yunaró.

ⁱ 1:10 “Yuqa” ñuko *Yuqa Surumí* nañge, Anutu koro Yuqa. ^j 1:12 “mira wimbí” ñunde quko te moré kini, ko uni kumimbo ñuno kama kunditeyotenggo. ^k 1:13 “sambo simó” ñuko komo suki-suki Anutuko unipare kama yoriní tunoqi sambo simó yondowaró. Ko itaka eneño sunará teyotenggo. ^l 1:14 “Jon” ñuko sono re-re uni ñu nañge (Mak 6:14-29 weyo qembe). ^m 1:15 “Anutuko unipareyó wiri yereyote naruyómo” ñuno iñondutu unipareko hamó Anutu kusunoyómo yowañgo. ⁿ 1:16 “Galili Sono Towo” ñuko parámi ta. Tapésinañgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ^o 1:16 “tirí-tirí” ñuko sono qare siyowero qu ka. Ñuko kutá, ko o quhurí kumi tapéwore kusiyañgurí. Uni kato kaje rañoní sonono uro sono qare kusi yiriní wosoro siyañgurí. ^p 1:21 “Kaperneam yendé” ñuko Galili Sono Towo tapémo yora. ^q 1:21 “huru-huru ya” ñuko Juda uniparetoro ya parámi mu. *Sapat naruko* ñuno hu-hariri tero Anutu koro mandí weyoyi iñoro hariri teyañgurí.

22 Ɔunde yunoní unipare iƆoro kondé yukuwaƆguri. Dokoro mande yaró Ɔuko wimbí moré, hutuƆo mande Ɔuro iƆo-iƆo unindoro' mandeye Ɔunde qembe kini.

23 Ɔu naruko Ɔuno uni ka huru-huru yano areró muko yuƆa pusú^s ka quróko yaró. 24 Asa Ɔundo kiwero Ɔande yaró, “Aine, Yesu Nasaret nonƆo, do nereweya? Kepe nore rowore nerewero mahetepe? No iƆo kunoteno, keko Anutu koro uni meté horé Ɔu.”

25 Yiní Yesuko Ɔande qene yaró, “Ke maƆgoke kusiyoya uni Ɔu roto toƆe!” 26 Ɔunde yini yuƆa pusú Ɔundo uni Ɔu riní khí kandi yukuwoní ki parámi tero uni Ɔu roto toƆeró. 27 Ɔunde tini unipare soso Ɔu newondeye yukuwoní ningu-ningu tero epe mito-mito taƆguri, “Ɔa do ka? Mande keta ka wimbí moré yete! Ko enendo yuƆa pusú yimironíƆo, maƆgó howero waka ta roto toƆete!” 28 Ɔunde yiƆo, imemoƆgo unipare soso Galili mirako Ɔuno waka ta Yesuko o taró Ɔuro piƆa mande iƆaƆguri.

Yesuko Saimon koro koƆgí rini meté taró
(*Matyu 8:14-15; Luk 4:38-39*)

29 Asa Yesuko huru-huru ya^t nonƆo uro Saimon, Andru koro yayarimo oró. Oro Jems, Jon, Saimon, Andru Ɔu soso Ɔuya oƆguri. 30 Ɔuno Saimon koro koƆgí kowí tiwi riní se khumo tero eteyaró. Asa yano arero pare Ɔuro miraƆguri. 31 Miroyi oro kandi toworo samakaƆoní otoqaró. OtoƆoní kowí tiwi kini tini pare Ɔundo o qoyembo roƆgaruwaró.

32 Kosa pusuƆiní suwo tiniƆo, uni se khumo piyimiye moré mu soso Ɔuya uni yuƆa piyimi quroyemo yaƆguri mu,^u Ɔu Ɔuya yore Yesuko mahƆguri. 33 Ɔunde ti yendé unipare soso makono kaƆaƆguri. 34 KaƆi Yesuko unipare qambu se khumo piyimi kate-kate taƆguri Ɔu roƆgaru yiriní meté taƆguri. Ko yuƆa piyimi wata unipare quroko qu yohowiní toƆeƆguri. YuƆa piyimi Ɔundo Yesu qene iƆaƆguri. Ɔunde Ɔuroko mande yewero Ɔuro soré yereró.

Yesuko yendé kano uyareyara
(*Luk 4:42-44*)

35 Asa ita saraƆowero tiniƆo, Yesuko otoƆo toƆero mira uni kinimo hariri teyaró. 36 Ɔunde tini Saimon koya topé-topémboya seqayate 37 Ɔenero Ɔande miraƆguri, “Uni soso seqa kereteƆo,” yaƆguri.

^t **1:22** Ɔu naruko Ɔuno “*hutuƆo mande Ɔuro iƆo-iƆo uni*” Ɔundo eneƆo iƆo-iƆoye moƆgo kama yaƆguri. Kini, rondaqe-rondaqe unindo meywomboro iƆo-iƆoyewore yaƆguri. Quko Yesu koro mandí wimbí moré. Enendo Anutu koro iƆo-iƆoyó iƆoro yaró. ^s **1:23** “*yuƆa pusú*” Ɔuko *sambo simó* Ɔunde qembe, quko Anutu koro saƆgiri tero unipare rowore yereyoteƆo. ^t **1:29** “*huru-huru ya*” Ɔuko Juda uniparetoro ya parámi mu. *Sapat naruko* Ɔuno hu-hariri tero Anutu koro mandí weyoyi iƆoro hariri teyaƆguri. ^u **1:32** “*yuƆa piyimi*” Ɔuko *sambo simó* Ɔunde qembe, quko Anutu koro saƆgiri tero unipare rowore yereyoteƆo.

³⁸Yiqo, n̄ande yaró, “Nondo unipare qambu mande yesowo yimirowero n̄uro in̄oyoteno. In̄unde n̄uroko yendé meyowo kutaqe quno n̄uno uyato.”
³⁹Asa ko Galili mira soso n̄uno yendéne-yendéne huru-huru yayemo” oro mande yesoworo yuqa piyimi unipare quroko qu” yohowaró.

Yesuko kowí piyimi khumo uni ka riní meté taró
(Matyu 8:1-4; Luk 5:12-16)

⁴⁰Naru kano kowí piyimi khumo^x uni kato mahero Yesu nekoro potoruku te inoro n̄ande kirayaró, “Keto n̄u in̄i mepémo tiníqo, no nori sara tewano,” yaró.

⁴¹In̄unde yiní Yesuko sikí te inoro kandí sajanímo rero miraró, “No n̄uro in̄oteno. Ke sara teweya.” ⁴²Yiní waka ta se khumo n̄uno qu roto tojiní sara taró.

⁴³In̄unde tiní Yesuko asáñoro mande kondé yaró, ⁴⁴“O n̄a keno tunoqete n̄aro uni ka ma yimirowero. Hutun̄o mande Mosesko yimiraró n̄u howeya o qa-qa uni koweke re witú yereya keto sara tunoqete quro oka Anutu te ino qembe. In̄unde tiqo, se khumoke kini tete, ye in̄owan̄go.”^y ⁴⁵Yiníqo, uni n̄u toñero mondó ta kama yora. Kini, sowo mande n̄u yendé soso n̄uno yesowoyaró. In̄unde n̄uroko n̄u naruko n̄u non̄go Yesuko yendémo tunomo uyarewero mepémo kini, mira uni kinimo nan̄ge yoraró. Asa unipareto Yesu koro murí in̄owero quro n̄uno mahengurí.

Yesuko uni ka khí piyimi mu riní meté taró
(Matyu 9:1-8; Luk 5:17-26)

2 ¹Tukú, Yesu pitu ko Kaperneam uyaro yayómo oníqo, unipareto n̄uro in̄angurí. ²In̄oro mahe kopoyi ya man̄goriní mako n̄uya wisumun̄oyi Yesuko mande yesowaró. ³In̄unde tiní uni se khumo uni ka, khí irisa-irisa ukumi, n̄undo Yesu qenewano, yero in̄aró. Asa topé-topé nimí kini pitikiwore koroworo mahengurí. ⁴Mahi unipare qambu ya man̄goriní n̄u quroko owero rukusuworo ya umómo on̄gurí.^z Oro witu

^v **1:39** “huru-huru ya ” n̄uko Juda uniparetoro ya parámi mu. *Sapat naruko* n̄uno huariri tero Anutu koro mandí weyoyi in̄oro hariri teyangurí. ^w **1:39** “yuqa piyimi ” n̄uko *sambo simó* n̄unde qembe, quko Anutu koro san̄girí tero unipare rowore yereyotengo.

^x **1:40** “kowí piyimi khumo” n̄uko nore do se khumo ka horé kama in̄oyoteto. In̄ande in̄oyoteto, ko Juda unindo se khumo uni n̄unde qu genero, Anutu toñimo pusú yote, ye in̄oyangurí. Ko Juda uni kato uni n̄unde qu towowero mepémo kini, dokoro ene n̄uya Anutu toñimo pusú tunoqeweya, ye in̄oyangurí. Se khumo uni n̄unde qundo sikuno nan̄ge yorangurí, yendémo yorowero mepémo kini. ^y **1:44** Hutun̄o mandeko n̄ande yaró, ko se khumo uni ka meté tunoqaró n̄unde qundo nú irisa Anutu inoweya yaró; ka uroní khumoní o qa-qa te inoweya, ka rotoní toñeweya. In̄unde tero uni n̄unde qundo yendémo meté yoweya. (O Qa-qa Uni 14:1-7 weyo qembe.) ^z **2:4** In̄u naruko n̄uno “ya umó” soso n̄uko surun̄o kini, papare nan̄ge, ko unipare meté owero kunditeyangó.

rero yakutí ñu utómbo kusiyoro mondó ta rotoyí yakutímó umburó. ⁵Uni kandeka ñundo Yesuko roñgaruwoweya, yero inañgurí. Ñunde inoro uni ñu rotoro umbuyí Yesuko yiyoro inondutuye^a qene inoro ñande yaró, “Nañone, quhuríñge se rotoní,” yaró.

⁶Yano ñuno hutuño mande ñuro ino-ino uni^b kumimbo ñuno kunditero o soso qenero newondayemo ñande yero inañgurí, ⁷“Do ka yete? Mande ñuko Anutu yesaráñoyote. Anutuko nañge quhurí se rotowero wimbí tete.”

⁸Ñunde yero inoyí Yesuko newondayemo osese-osese tañgurí ñu qene inoro ñande yimiraró, “Dokoro newondayemo osese ñunde qu ye inoyoteygo? ⁹Nondo se khumo uni ña, ‘Quhuríñge se rotoní,’ ye mirowano tiníqo, ñuko wuruwara mande peka, ye enyé qenewero mepémo kini. Quko, ‘Ke otoqoya pitiki ñu khete-khete uyare,’ yero miroweqo, mande ñuro enyé qenewango. ¹⁰Quko ñande iní. Unindoro Nañuní^c ñundo nokono ñano unindoro quhuriye se rotowero quro wimbí tete.” ¹¹Ñunde yero uni khí piyimi ñu ñande miraró, “Nondo kimirowe, ke otoqoya pitiki re korowoya yakemo u,” yaró. ¹²Yiníqo, unipare soso toñeyemo otoqoro waka ta pitiki rero toñeró. Ñunde tiní unipare soso qenero newondaye uroní ñingu-ñingu tero Anutu seré te inañgurí. Kowe ñande yañgurí, “Oka ñundiro kama qenetowó ñu,” yañgurí.

Yesuko Liwai nekoní howaró

(Matyu 9:9-13; Luk 5:27-32)

¹³Asa imemongo Yesuko pitu ko Galili Sono Towo tapémo uyariní unipare qambu ñuya ñuno uyari Anutu koro mandí rondaqe yunoyaró. ¹⁴Uyareyate, Alipeus nañuní, owí Liwai, ñu takis rewero paseno^d kunditiní qenero ñande miraró, “Otoqoya nohowe,” yiní otoqo howaró.

¹⁵Tukú Yesu koya ino-ino rewero uniyómboya^e Liwaiko yano etero o nañgurí. Ñu naruko ñuno takis re-re unindoya quhurí unindoya^f eneya yano o nañgurí. Dokoro uni ñu ñuya Yesu inoro howeyañgurí. ¹⁶Asa Farisi winindoro^g hutuño mande ñuro ino-ino uni^h kumimbo Yesu qenero ino-ino rewero uniyó ñu ñande osese yereñgurí, “Dokoro takis re-re unindoya quhurí unindoya o neyote?” yañgurí.

^a 2:5 “inondutu ” ñuko ñandiro, asa unipareto ñande kondé ye inoyoteygo, ko Anutuko meté sopo yereweya. ^b 2:6 “hutuño mande ñuro ino-ino uni ” ñundo Anutu koro mande ñu unipare rondaqe yunoyañgurí. ^c 2:10 “Unindoro Nañuní ” ñuko Yesu nañge. ^d 2:14 Uni ñunde qundo khe tapémo pase ñuno kunditero situwí koro mone siyoro wiri yerete uni inoyara. ^e 2:15 “ino-ino rewero uni ” ñundo Yesu koya uyaro ino-ino rondaqe yunoyaró. ^f 2:15 “quhurí uni” ñundo Juda koro muriye okeyá ta kama howeyañgurí. ^g 2:16 “Farisi uni ” ñuko unindoro huru-huru ka Israel mirako ñuno yañgurí. Enendo Anutu koro hutuño mande ñuro okeyá ta howero uniparetoro toñeyemo owéye parámi tañgurí. ^h 2:16 “hutuño mande ñuro ino-ino uni ” ñundo Anutu koro mande ñu unipare rondaqe yunoyañgurí.

¹⁷Ɔunde yi Yesuko iḡoro ḡande yimiraró, “Se khumo unindo nanḡe dota ḡuno uyareyotenggo. Uni meté qu ḡuno kama uyareyotenggo. Nondo uni roneneḡowímboroⁱ kama mahenowó. Quhurí unindoro nanḡe mahenowó.”

Uni kumimbo kundinḡi ḡuro Yesu oseseyanḡurí
(*Matyu 9:14-17; Luk 5:33-39*)

¹⁸Naru kano Jonⁱ koro iḡo-iḡo rewero uniyómboya Farisi unindoya^k Anutu potoruku re inoro o newero ḡuro kundinḡi^l teyanḡurí. Asa naru kano uni kumimbo uyaro Yesu oseseyanḡurí, “Jon koro iḡo-iḡo rewero uniyómboya Farisi unindoro iḡo-iḡo rewero uniyemboya o newero ḡuro kundinḡi teyotenggo. Quko dokoro keḡo iḡo-iḡo rewero unike ḡundiro kama teyotenggo?”

¹⁹Ɔunde yiḡo, ḡande yimiraró, “Ko uni kato epe re-re tewero o ne-ne naruko ḡuno topé-topémbo kundinḡi tewero mepémo kini, hamómbe? Iyo, ḡuno yoníḡo, kundinḡi kama tewanḡo. ²⁰Quko imemonggo uni kato uni ḡu ri toḡeweya. Ɔu naruko ḡuno topé-topémbo newonde surumí tero o newero ḡuro kundinḡi tewanḡo.

²¹“Uni kato tuwi sombé keta qu rero tuwi komo qu wituyó mu kama tiḡiyoweya. Kini. Imemonggo kowe punu-punu sonowoníḡo, tuwi keta ḡu wosoníḡota piyimi horé wuriweya. ²²Ko uni kato wain keta qu re meme kowí puḡḡe komo quno ḡuno kama puḡḡeyoweya. Kini, wain keta ḡuro yuḡayómbo puḡḡe komo ḡu umboronóní wain ḡu hausuwo nokono umbuní puḡḡe ḡuya piyo teweya.^m Asa ko wain keta qu puḡḡe keta quno nanḡe puḡḡeyoyi qembe.”

Yesuko Sapat naru ḡu sopoyote
(*Matyu 12:1-8; Luk 6:1-5*)

²³Asa Sapat naruⁿ kanoko Yesu koya iḡo-iḡo rewero uniyómboya^o wit koro kho keweroko uyaro iḡo-iḡo rewero uniyómbo wit simó kumi siyanḡurí. ²⁴Ɔunde tiḡo, Farisi unindo^p Yesu ḡande miranḡurí, “Hutuḡo

ⁱ 2:17 “*uni roneneḡowí* ” ḡuko Anutuko qenero potó moré kini tiní eneḡo uniyó tunoqete.

^j 2:18 “Jon” ḡuko sono re-re uni ḡu nanḡe. ^k 2:18 “*Farisi uni* ” ḡuko unindoro huru-huru

ka Israel mirako ḡuno yanḡurí. Enendo Anutu koro *hutuḡo mande* ḡuro okeyá ta howero uniparetoro toḡeyemo owéye parámi tanḡurí. ^l 2:18 Unipareto “*o newero ḡuro kundinḡi*

” teyanḡurí quoko Anutu iḡoro eneḡo ri umbuní naru kanata, irisa ḡundiro o kama nanḡurí. ^m 2:22 Ɔu naruko ḡuno unindo meme koro kowí rero khí kandí kusiyoro wain

ḡuno kusínḡoyanḡurí. Kusínḡoyoyi wain ḡuko yuḡa moré, ko yuḡako kowe puḡḡe ḡu riní koḡeweya. Koḡiní kowe puḡḡe komo qu ka wuriweya, dokoro koḡewero mepémo kini.

ⁿ 2:23 “*Sapat naru* ” ḡuko sonda naru weḡa ḡu. Ɔu naruko ḡuno Juda unipareto *huru-huru yayemo* huruwo Anutu koro mandí weyoyi iḡoro hariri teyanḡurí. Ɔu naruko ḡuno kho

ka tewero mepémo kini (Toḡenḡurí 20:8-11 weyo qembe). ^o 2:23 “*iḡo-iḡo rewero uni* ”

ḡundo Yesu koya uyaro iḡo-iḡo rondaḡe yunoyaró. ^p 2:24 “*Farisi uni* ” ḡuko unindoro huru-huru ka Israel mirako ḡuno yanḡurí. Enendo Anutu koro *hutuḡo mande* ḡuro okeyá ta howero uniparetoro toḡeyemo owéye parámi tanḡurí.

mande ηundo otete ηu soréηoro, Sapat naruko ηuno ηu ma tewero, yete. Ye do karo ηunde teteηgo?”^q

²⁵ηunde yiqo, mande topé yaró, “Yembe komo Dewit” koya topé-topémboya o qoyembo kumoro o taηgurí ηuro sowo mande ηumbe kama weyo iηaηgurí, peka?”^s ²⁶Asa Apiatar o qa-qa unindoro tapá uniyómboro kho taró quno ηuno Dewitko Anutu koro yano oro bret ηu Anutu toηímo yara ηu re umburo nero topé-topé yunoní naηgurí. Quko bret ηuro, hutuηo mandeko ηande yete, o qa-qa uni ηundo naηge bret ηu newaηgo.”^t

²⁷“ηundiro naηge Anutuko unipare samaka yerewero quro Sapat naru rokóηaró. Mande ηu howewero quro unipare kama yondowaró. ²⁸Asa ko Unindoro Naηuní ηundo” Sapat naru ηuya sopoyote.”

Sapat naruko ηuno Yesuko uni ka kandí piyimi mu riní meté taró
(*Matyu 12:9-14; Luk 6:6-11*)

3 ¹Asa Sapat naru kano,” Yesuko Juda koro huru-huru yano oró. Oní uni ka kandí piyimi mu ηuno yoraró. ²Yoní Farisi unindo” Yesuko uni ηu roηgaruwoní sopo qeneηgurí. ηunde roηgaruwo Sapat naru ηuro hutuηo mande wendaqiniqo, mande kho Yesu inowato, ye iηaηgurí. ³Asa Yesuko uni kandí piyimi ηu ηande miraró, “Otoqo, keweroko ηano kaηe,” yaró.

⁴ηunde yero Farisi uni ηande osese yereró, “Sapat naru ηa do otete ka hutuηo mande wendaqeweya? O meté tewatope ma o piyimi te inowato, asa uni ka roηgaruwowatope ma urato kumoweya?” ηunde yini mondó ta kunditaηgurí.

⁵ηunde ti toηete yiyoro saηgirí taró. Farisi uni ηundo newondeye kondé kusiyaηgurí. ηunde ηuro Yesuko newonde surumí parámi tero uni kandí piyimi ηu ηande miraró, “Kandeke raηo.” Yini

^q **2:24** *Hutuηo mande ηuro iηo-iηo unindo* ηande yaηgurí, ko *Sapat naruko* ηuno uni kato kho kumi tewero mepémo kini. Enendo kho sewero mepémo kini, o yuwoyó rimiwero mepémo kini, eηgé siyowero mepémo kini, ko kho kumi meyowo ηuya tewero mepémo kini. Anutu koro *hutuηo mandeko* ore mande ηunde qu kama yaró, iηo-iηo uni ηu naηge ηunde kondé yero unipare soré yeretaηgurí. ^r **2:25** “*Dewit*” - komo suki Dewitko Israel uniparetoro wiri yerete uni taró. Anutuko Dewit kondé iηo inaró, ko yate-yate Israel unipare ηuyako Dewit kondé iηo inaηgurí. ^s **2:25** 1 Samuel 21:1-6 weyo qembe.

^t **2:26** *O qa-qa uni ηundo bret toworo Sapat naru* kano Anutu koro toηímo yakutímo rotaηgurí. Sonda kanata quroko ηuno roti kini tiní o *qa-qa unindo* naηgurí. (O Qa-qa Uni 24:5-9 weyo qembe.) ^u **2:28** “*Unindoro Naηuní*” ηuko Yesu naηge. ^v **3:1** “*Sapat naru*” ηuko sonda naru weηa ηu. ηu naruko ηuno Juda unipareto *huru-huru yayemo* huruwo Anutu koro mandí weyoyi iηoro hariri teyaηgurí. ηu naruko ηuno kho ka tewero mepémo kini (Toηetaηgurí 20:8-11 weyo qembe). ^w **3:2** “*Farisi uni*” ηuko unindoro huru-huru ka Israel mirako ηuno yaηgurí. Enendo Anutu koro *hutuηo mande* ηuro okeyá ta howero uniparetoro toneyemo owéye parámi taηgurí.

kandí raḡoní meté taró. ⁶ገunde tiní Farisi unindo ya rotoro Herot koro topé-topémboya^x epe mito-mito tero Yesu urowero kheyó seqaḡgurí.

Yesuko se khumo uni qambu yoriní meté taḡgurí

(Luk 6:17-19)

⁷Asa Yesu koya iḡo-iḡo rewero uniyómboya^y Galili Sono Towoko ḡuno uḡgurí. Uyi unipare qambu parámi Galili noḡgo, Judia noḡgo ḡundo howaḡgurí. ⁸ገuya unipare Yerusalem yendé moḡgo, Itumea mira koḡgo, mira Jotan Sono karóḡo andusinaḡgo, yendé irisa Tair koya Saiton^z noḡgo ḡu, soso Yesuko kho taró ḡuro piḡa mandeyó iḡoro Yesu qenewero uyareḡgurí. ⁹⁻¹⁰Uyari Yesuko se khumo uni qambu ḡuno roḡgaru yirini meté tiḡo, se khumo uni qambu Yesu pekáḡowero epe pito-pito taḡgurí. ገunde ḡuroko Yesuko iḡo-iḡo rewero uniyó ḡande yimiraró, “Waḡgo tomó ta ka roḡgaruwoyika kondé pito nerewaḡgo tiniḡo, waḡgowore toḡewano, peka,” yaró.

¹¹Kowe yuqa pusúmbo^a Yesu qeneroḡo nokono umburo ḡande nekoyaḡgurí, “Keko Anutu koro Naḡuní,” yaḡgurí. ¹²Quko ḡande yiḡo yaró, “Nenemboro ma yewero,” yaró.

Yesuko asá yerewí uni 12 rokó yereró

(Matyu 10:1-4; Luk 6:12-16)

¹³Asa Yesuko mira purímo oro iḡo-iḡo rewero uni^b kumi neko yirini ḡuya oḡgurí. ¹⁴⁻¹⁵Oro iḡo-iḡo rewero uniyó khe saḡiyoro irisa rokó yerero owé ka “asá yerewí uni” re yunaró. ገunde rokó yirini eneya taḡḡimo yowaḡgo, ye iḡaró, ko miti yesowowero, Anutu wimbímo yuqa piyimi yohowewero quro asá yereró. ¹⁶Asa uni khe saḡiyoro irisa rokó yereró ḡuro owéye muko ḡandiro: Saimon (asa Yesuko owé kaḡuya Pita yaró). ¹⁷Kowe Sepeti naḡuní irisa ḡu Jems, Jon (asa Yesuko owéyari kaḡuya Boanerikes yaró. Owé ḡu murí muko ḡandiro: Kusiroko ገuri Tete ḡundiro.) ¹⁸Kowe Andru, Filip, Bartolomeyu, Matyu, Tomas, Jems Alipeus naḡuní, Tatus, Saimon, ḡuko Selot koro wini ka,^c ¹⁹Jutas Isikariot. Uni weḡa ḡundo imemoḡgo Yesu re uni piyimi kandeyemo rotoweya.

^x 3:6 “Herot,” owí kako “Antipas,” ḡundo Galili mira sopo yereró. ^y 3:7 “iḡo-iḡo rewero uni” ḡundo Yesu koya uyaro iḡo-iḡo rondaḡe yunoyaró. ^z 3:8 “Tair koya Saiton” ḡuko kape unindoro yendéye, Juda koro miraye sumeyoro windi tapémo ḡuno yorariyó.

^a 3:11 “yuqa pusú” ḡuko sambo simó ḡunde qembe, quko Anutu koro saḡgirí tero unipare rowore yereyotengo. ^b 3:13 “iḡo-iḡo rewero uni” ḡundo Yesu koya uyaro iḡo-iḡo rondaḡe yunoyaró. ^c 3:18 “Selot koro wini” ḡuko saḡgirí uni. Enendo Rom unindoya

kuma teyaḡgurí, dokoro Rom koro wiri yerete uni parámimbo ene sopo yerewero quro piyimiḡaḡgurí.

Yuqa piyimi kato Yesu wimbu inotepe ma kini?

(Matyu 12:24-32; Luk 11:14-23; 12:10)

²⁰Asa Yesuko ya kano oró. Oní unipare qambu kopoyi Yesu koya iño-ijō rewero uniyómboya^d o newero mepémo kini taŋguri. ²¹Ŋu naruko ŋuno unipareto ŋande yaŋguri, “Yesuko kape-kape hamó teyote, peka.” Ŋunde yi eneño suwisawiyómbo iñoro o soso taró ŋuro iñoro, sopoya towato, yero iñoro uyareŋguri.

²²Kowe hutuño mande ŋuro iño-ijō unindo^e Yerusalem roto uro ŋande yaŋguri, “Belisipuluko^f Yesu sopoyote,” yero “Yuqa piyimimboros^g uni kembéyemboros wimbímo yuqa piyimi uni quroko yote ŋu yohowini toŋeyotengo,” ŋunde yaŋguri.

²³Asa Yesuko unipare kopo yerero tapara mande^h rondaqe yunoro ŋande yaró, “Monimbuko eneño topé-topé yohowewero rukusuwote. ²⁴Wiri yerete unindoro mira qu kato usoworo uni soso wini irisa tero kuma tewango tiniqo, mira ŋuko piyo teweya. ²⁵Ko sowe-sowe ka epe uto-uto teyotengo tiniqo, sowe-sowe ŋu usoworo piyo teweya. ²⁶Ko Monimbu koya topé-topémboya epe uto-uto teyotengo tiniqo, Monimbu ŋu kini teweya. ²⁷Uni kato uni kondémborosⁱ situwiyó siyowero yayómo kinange kama oweya. Kini. Koretero uni ŋuko uni kondé ŋu khe kandí kusiyoro imemongo situwiyó soso siyoweya. ²⁸Nondo hamó yimiroteno. Unipareto quhurí parámi teyotengo, ko Anutu yesaráñoyotengo. Anutuko quhurí ŋu soso meté se rotoweya. ²⁹Quko unipare kato Anutu koro Yuqa Surumí ŋu yesaráñoyiqo, Anutuko quhurí ŋu kama re rotoweya. Suki-suki quhurí ŋu korowoyoweya.” ³⁰Ŋunde yaró, dokoro uni kumimbo yeyaŋguri, “Yuqa pusúmbo Yesu sopoyote,” yaŋguri.

Yesu koro nimí-topé horé ŋu dani?

(Matyu 12:46-50; Luk 8:19-21)

³¹Asa Yesu koro nimímboya kone-topémboya yano mahero mirako kaŋero mande ri Yesuko oró. ³²Oní unipare qambu Yesu wuririyoro kunditaŋguri ŋundo ŋande miraŋguri, “Qeno, náŋge, kone-topoke, kaŋero ke kiyowero yetengo amu,” yaŋguri.

³³Quko mande topé ŋande yaró, “Dani náme, one-topone ka?” yaró.

³⁴Yero unipare wuririyoro kunditaŋguri mu yiyoro ŋande yimiraró, “Qeni, ŋano unipare yotengo ŋando ta neneño náme, one-topone.

^d 3:20 “iño-ijō rewero uni ” ŋundo Yesu koya uyaro iño-ijō rondaqe yunoyaró.

^e 3:22 “hutuño mande ŋuro iño-ijō uni ” ŋundo Anutu koro mande ŋu unipare rondaqe yunoyanguri. ^f 3:22 “Belisipulu ” ŋuko Monimbu naŋge, owí kako “Satan”. ^g 3:22 “yuqa piyimi ” ŋuko sambo simó ŋunde qembe, quko Anutu koro saŋgirí tero unipare rowore yereyotengo. ^h 3:23 “tapara mande ” ŋuko sowo mande naŋge. Yesuko sowo mande ŋunde qu yero oka witi yereró. ⁱ 3:27

³⁵Dokoro unipareto Anutu koro iño-iñoýó howeyotenggo ñuko neneño náme, one-topone horé.”

Uni kato wit musiyó khono kuriyaró ñuro tapara mande qu
(*Matyu 13:1-23; Luk 8:4-15*)

4 ¹Asa pitu ko Galili Sono Towo tapémo ñuno mande rondaqe yunaró. Ñunde tiní unipare qambu parámi horé wuririyoyi wañgo tomó ta quuroko uro sono sañano kunditero mande yimiraró. Yimironí unipare qambu ñu sono towo tapémo kañangurí. ²Ñuno kañeyuri tapara mande^j qambu yimitoyoro ñande yaró,

³“Ñoyi, naru kano uni kato o yuwoyó khono se kuriyaró. ⁴Kuriyoní kumi kheko umbuyi númbo mahero nemukangurí. ⁵Kumi noko wondo seqemo yote ñuno umburó, ko waka ta toní rañoro wotangurí, dokoro noko parámi moré kini. ⁶Quko hurí meté kama uró. Ñunde ñuroko wotiqo, kosa kondé qeniní asáqe khumangurí. ⁷Kumi kakari keweroko umburo wotangurí, ko kakari muko noko kiruwó wosoro kosa saki riní engé kama tangurí. ⁸Kumi noko meté muno umburo wotero parámi tangurí, ko kumi engé 30 tero, kumi engé 60 tero, kumi 100 ñunde tangurí.

⁹Uni ka kusumbí moré tiníqo, mande ña iñoní.”

¹⁰Tukúko, unipare qambu ñu roto toníqo, iño-iño rewero uni^k khe sañiyoro irisa ñuya iño-iño rewero uni kumimboya tapara mande ñuro iñi tondañewero quro oseseyangurí. ¹¹Oseseyiqo, mande topé ñande yaró, “Komoko, Anutuko unipareyó wiri yereyote naruyó^l ñuro mande ñuko mande tapuñowí mu.”^m Itaka yepa nañge mande ñu tunomo rondaqe yunoyoteno, quko uni kinañge koro tapara mande yimiroteno. ¹²Ñundiro Anutu koro mande ña hamó tunoqeweya:

“Qeneyowañgo, quko iñondutuye kama hiyóqiní,

Ñoyowañgo, quko kama iñoyi tondañiní,

Yate quhurí moñgo rohoréño mahi quhuríye se rotowano koro.”

¹³Yero ñande yaró, “Tapara mande ña kama iñoyi tondañete tiníqo, tapara mande soso kama iñoyi tondañeweya. ¹⁴Tapara mande ñuro murí muko ñandiro: o yuwoyó kuriyaró muko Anutu koro mande ñu nañge. ¹⁵O yuwoyó kheko umbuñgurí ñuko ñandiro: unipareto mande iñoyiqo, waka ta Monimbuko mahero mande ñu newondeyemo se ta yere rotoyote. ¹⁶O

^j 4:2 “*tapara mande*” ñuko sowo mande nañge. Yesuko sowo mande ñunde qu yero oka wití yereró. ^k 4:10 “*iño-iño rewero uni*” ñundo Yesu koya uyaro iño-iño rondaqe yunoyaró. ^l 4:11 “*Anutuko unipareyó wiri yereyote naruyómo*” ñuno iñondutu unipareko hamó Anutu kusuyoyómo yowañgo. ^m 4:11 “*mande tapuñowí*” ñunde quko iño-iño ka Anutuko komo tapuñoro itaka nañge wisiyo yunoyote.

yuwoyó noko wondo seqemo yote ηuno umbuŋgurí ηuko ηandiro: unipareto mande iηoro ηuro niŋgu-niŋgu teyotenggo. ¹⁷Quko hurí noko quroko uyote ηunde kini. Asa ko quhurí korowoyotenggope ma unindo ηu mande ηuro o piyimi te yunoyotenggo quno ηuno waka ta rotoyotenggo. ¹⁸O yuwoyó kakari keweroko umbuŋgurí ηuko ηandiro: unipareto mande ηu iηotenggo. ¹⁹Quko naru kano noko koro o quro iŋaŋawí teyote, ko mone parámi siyowero ηuro murí koya o meyowo siyowero murí ηuko kanáŋoyote. O enesó ηundo Anutu koro mande ηu weheŋoní enŋé moré kini. ²⁰O yuwoyó noko meté muno umbuŋgurí ηuko ηandiro: unipareto mande iηoro kondé towoyotenggo, ko kumi enŋé 30 tero, kumi enŋé 60 tero, kumi enŋé 100 ηunde teyotenggo.”

Hiyómbe re tunomo rewerope ma kini?

(Luk 8:16-18)

²¹ηunde yero Yesuko iηo-iηo rewero uniyó ηande osese yereró, “Unindo hiyó rero kondó kusunoyómo tapuŋowaŋgope ma ya kusunoyómo rewaŋgo, peka? Kini, ya quroko pikowaŋgo. ²²Dokoro o tapuŋowí ηu soso tunomo reweya. Ko o pokamowí ηu soso wisiyoweya. ²³Ye soso iηo-iηoye moré tiniŋgo, mande ηa iŋi.”

²⁴ηunde yero ηande yaró, “Ye kondé iηoya howi qembe. Ye date unipare o te yunoyotenggo ηuro rokóŋo ηuwore naŋge Anutuko meté te yunoweya. Te yunoro kaŋuya saŋanímo te yunoweya. ²⁵Uni ka o kumi towote tiniŋgo, Anutuko o kumi kaŋuya saŋanímo rero inoweya. Ko uni oyó moré kini ηuko, Anutuko o tomó ta qu towoyote ηu siyoní kini teweya.”

Musiyó wotewero quro tapara mande ka yaró

²⁶Kowe ηande yaró, “Asa, Anutuko unipareyó wiri yereyote naruyó^a ηuko ηandiro naŋge. Uni kato wit musiyó nokono rimiró. ²⁷Suwonope ma kosano uni ηu eteyonímbe ma otoqoyoní, o yuwoyó ηu woteyara. Quko uni ηundo o yuwoyó woteyara ηuro murí kama iŋaró. ²⁸Nokopo naŋge tiniŋ toní raŋoroqota wotero, yate suwómo ηuno taŋgurí raró. ²⁹Asa naru kini tiniŋgo, taŋgurí mando tiniŋ waka ta uni ηundo enŋé toŋo siyaró.”^o

Musiyó tomó ta ka ηuro tapara mande ka yaró

(Matyu 13:31-32; Luk 13:18-19)

³⁰Kowe ηande yaró, “Anutuko unipareyó wiri yereyote naruyó^p ηuro date yewe? ηuro do tapara mande^q ka yewe? ³¹Asa ηuko mastet koro

^a 4:26 “Anutuko unipareyó wiri yereyote naruyómo ” ηuno iηondutu unipareko hamó Anutu kusunoyómo yowaŋgo. ^o 4:29 “wit” ηuko komó ka, unindo taŋgurí siyoro rumuniŋoyi plaua tiniŋ plaua, sono, yis soso rohoréŋoro bret qayotenggo. ^p 4:30 “Anutuko unipareyó wiri yereyote naruyómo ” ηuno iηondutu unipareko hamó Anutu kusunoyómo yowaŋgo.

^q 4:30 “tapara mande ” ηuko sowo mande naŋge. Yesuko sowo mande ηunde qu yero oka witú yereró.

musiyó^r nunde qembe. Musiyó nuko tomó ta horé, musiyó kumi nokono rimiwero qu nju taka yereyote. ³²Quko mastet rimiyiqo, kunzi qembe parámi wotero kambini parámi reweya. Njundiro rini nú meté yonoyómo paseye rewango.”

³³Asa Yesuko unipare meté inji tondañewero quro wimbuye qene rondañero tapara mande nunde qu nanje rondaqe yunoyara. ³⁴Tapara mande nanje yimitoyaró. Yimironi unipare tonjico, tapara mande njuro murí nju injo-ijho rewero uniyó^s nanje yunoyaró.

Yesuko yini matú parámi imaqaró
(*Matyu 13:34-35*)

³⁵Asa nju naruko njuno mande yeyate suwo tiniqo, Yesuko injo-ijho rewero uniyó^t nande yimiraró, “Nore sono towo karóñoro andusina uyato.” ³⁶Njunde yini Yesu rero unipare qambu yorotoro wango wore uyarenguri. Uyariqo, uni kumimbo wango kumiwore eneya uyarenguri. ³⁷Uyari yate-yate matú parámi horé arero sono howini sono wango quroko uro rambaruru yerewero taró.^u ³⁸Yesuko wango koro kundósina kema tutu sanjano eteyaró. Asa okokoworo nande wanjuri, “Awa, matú nando rowore nerewero tete. Noreño date ijote?” wanjuri.

³⁹Njunde yiqo, Yesuko otoqoro matú njuya sono njuya nande qene yaró, “Roto, imaqiri!” yini matú kini tini sono towo njuya imaqaró.

⁴⁰Imaqini nande osese yereró, “Dokoro sasaro tetengo? Ye neneño wimbunembo watí kama ijotengo nju!”

⁴¹Yini sasaro parámi tero epe mito-mito wanjuri, “Nju dani? Enendo yiniqo, matú koya sono towo koya mandí howero imaqetiri!” wanjuri.

Yesuko yuqa qambu uni quroko yohowini tonjenguri
(*Matyu 8:28-34; Luk 8:26-39*)

5 ¹Asa Yesu koya uniyómboya uyareyate Galili Sono Towo tapémo mira ka owí Gerasa njuno uyarenguri. ²Uyaro wango rotoro mahiqo, uni ka yuqa pusú^v quroko yaró njundo uni tapu^w yendé moño eneno maheró. ³Uni nju uni tapu yendémo njuno yotoro o sangiri teyara. Teyoni ya yendé unindo utó kondéwore kusiyowero mepémo kini. ⁴Naru rokóño khe kandi kondé kusiyoyiqo, utó nju romboñeyara. Njunde njuro yendé

^r 4:31 “mastet” njuro musiyó nuko tamba koro musiyó nunde qembe. ^s 4:34 “*ijho-ijho rewero uni*” njundo Yesu koya uyaro injo-ijho rondaqe yunoyaró. ^t 4:35 “*ijho-ijho rewero uni*” njundo Yesu koya uyaro injo-ijho rondaqe yunoyaró. ^u 4:37 “Galili Sono Towo” nuko parámi ta. Tapésinango anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ^v 5:2 “*yuqa pusú*” nuko *sambo simó* nunde qembe, quko Anutu koro sangiri tero unipare rowore yereyotengo. ^w 5:2 “uni tapu” nuko wondo yayó nanje. Juda unindo uni khumaró nju rero wondo yayó huwósina rotoyango. Asa ko uni njundo wondo yayómboro mangó njuno meté eteyaró.

unindo uni ŋu ri imaqewero mepémo kini. ⁵Naru rokoŋo, kosa suwo uni tapu yendémo ŋuno yotoro mira purí suruŋono neko kiwero eneŋombo wondo siyoro kowí uroní piyo teyara.

⁶Asa Yesu kapiya moŋgo qenero kheŋgeŋo mahero potoruku taró. ⁷⁻⁸Tiní Yesuko ŋande yaró, “Yuqa pusú, ke uni ŋa roto toŋe!” yaró. Ŋunde yiní mande parámi ŋande yaró, “Yesu, Anutu Koreko Horé yote ŋuro Naŋuní, ke do nereweya? Ke Anutu owímo mande ŋande kondé yeka, keto kama rambaruru nereweya!” yaró.

⁹Yiní ŋande miraró, “Owéŋge neko.”

Yiní mande topé ŋande yaró, “No owéne Lekiyon, dokoro nore qambu quroko ŋano yoteto,” yaró. ¹⁰Yero osese kondé taró, “Ke nore mira ŋa noŋgo ma nore raŋowero,” yaró.

¹¹Ŋu naruko ŋuno purí kutaqemo saŋano po qambu o neyaŋgurí. ¹²Asa yuqa piyimi ŋundo ŋande oseseyaŋgurí, “Asá nereka nore po quroyemo uwato,” yaŋgurí. ¹³Ŋunde yiqa, Yesuko “Meté,” yiní yuqa pusú ŋu uni rotoro po quroyemo uŋgurí. Uyiqo, po 2,000 ŋunde qundo purí titiní moŋgo kheŋgeŋoro Sono Towo quroko uro khumaŋgurí.

¹⁴Khumoyiqo, po sopo-sopo unindo qenero sore toŋero unipare yendé parámimo ŋuya mira soso ŋuno yimiroyi qenewero mahęgurí. ¹⁵Mahero Yesuko mahi uni yuqa piyimi qambu komo quroko yoraŋgo qu ŋundo tuwi kowí punuworo iŋo-iŋoyó hiyóqiní kunditeyaró. Kunditeyoní unipare qene sasaro parámi taŋgurí. ¹⁶Pitu ko po sopo-sopoko o soso tunoqaró ŋuro yimiranŋgurí. ¹⁷Yimiroyi iŋoro Yesu kondé miranŋgurí, ko miraye ŋu rotoro meyowomo toŋeweya, yaŋgurí.

¹⁸Ŋunde miroyi Yesuko waŋgo tomó ta quno uníqo, uni yuqa piyimi komo quroko yoraŋgo ŋundo Yesu koya toŋewero koro kondé oseseyaró. ¹⁹Yiní mande topé ŋande yaró, “Kini, keto yano uya suwisawike yiyoro Uni Parámimbo o soso te kunoro sikíŋge te kunote ŋuro yimito qembe.” ²⁰Ŋunde yiníqo, uni ŋu roto toŋero Dekapolis mirako^x ŋuno Yesuko o soso te inaró ŋuro unipare yesoworo yimironí iŋondata parámi taŋgurí.

Yesuko pare parámi kaya, pare keta kaya yoriní meté tariyó
(*Matyu 9:18-26; Luk 8:40-56*)

²¹Yesuko mira ŋu rotoro pitu ko waŋgowore Sono Towo saŋawore uyaró. Andusina tapémo uyaro waŋgo rotoro nokono ariní unipare qambu parámi eneno kopanŋgurí. ²²Kopoyi uni ka, owí muko Jairus, Juda koro huru-huru ya^y sopoyara qundo mahero Yesu qenero khímo rokaraja

^x **5:20** “Dekapolis mira” ŋuko *kape unindoya* Juda uniparetoya mirako ŋuno kunditeyaŋgurí, ko *Herot* koro naŋuní Filipko sopo yereró. Owé murí muko ŋandiro: Yendé Parámi mu Kande Irsa. ^y **5:22** “*huru-huru ya*” ŋuko Juda uniparetoro ya parámi mu. *Sapat naruko* ŋuno hu-hariri tero Anutu koro mandí weyoyi iŋoro hariri teyaŋgurí.

umburo ²³newondí surumímboro ñande yaró, “Nambone khumowero tete. Keto ñuno uyareya kandekepo reka meté yoní,” yaró. ²⁴Yini uyaririyó.

Uyariri unipare qambu mahero kutaqe-kutaqe wuriri yerengurí. ²⁵Ñuno se khumo pare parámi ka yaró. Pare ñu kumima naru 12 ñunde rotoro naru rokóño kombo khumo tero sitú rañoyara. ²⁶Dota qambu ñunde osese yerero marasin qambu reyara. Quko se khumoyó ñu kama kini tero parámi taró. Kowe marasin kimowero quro situwiyó soso kini taró. ²⁷⁻²⁸Asa Yesu koro iñoro mahero ñande ye iñaró, “Tuwiyó pekáñoweka pitu ko meté tewano.” Ñunde yero iñoro unipare qambu quwore huwósina mahero tuwiyó piru ñu pekáñaró. ²⁹Pekáñoní ñu naruko nañge se khumo piyimi ñu kini tiní kowí meté tiní, “Esona, meté teteno,” ye iñaró.

³⁰Ñu naruko nañge Yesuko yero iñaró, “Wimbu ka norotote,” ye iñoro rohoréñoro unipare ñande osese yereró, “Danimbo tuwine pekáñote?” yero yaró.

³¹Ñunde yini iño-iño rewero uniyómbo^z mande topé ñande yañgurí, “Do ka yete? Qeno, unipareto kutaqe-kutaqe koporo qambu horé peká keretenggo,” yañgurí.

³²Quko “Danimbo peká nerete?” ye iñoro toñete yiyoro wuririyaró. ³³Asa pare ñu meté tero iñoro sasaro tero yukuworo khímo umbu rañoro mande hamó soso ñu ye miraró. ³⁴Mironí ñande yaró, “Nambone, keño iñondutukepo^a koriní meté tete. Imemoñgo toñeka se khumo ñu kini temukoweya,” yaró.

³⁵Ñunde yeyoníqo, uni kato mahero sopo-sopo uni ñu ñande miraró, “Namboke khuma. Rondaqe-rondaqe uni ñu rotoka quhurí watí ma inowero.”

³⁶Ñunde yi Yesuko iñoro Jairus ñande miraró, “Ma sorewero, iñondutu hamó qu nañge te,” yaró.

³⁷Yeroqo unipare soso howewero quro soré yerero Jairus, Pita, Jems, koneyó Jon yorero ³⁸sopo-sopo unindoro yano uyarengurí. Ñuno unipare qambu tendo mukuru tañgurí. ³⁹Ñunde tiqo, yano oro ñande yimiraró, “Dokoro ñandiro tendoyotenggo? Simó ñu kama khuma. Eteyote,” yaró. ⁴⁰Ñunde yini iñoro yomañgurí.

Yomoyi Yesuko ya noñgo yohowero pare khumaró ñuro iwí-nimímboya uni Yesu koya uyarengurí ñuya yorero yakutímo oñgurí. ⁴¹Ñuno oro pare khumaró ñu kandí toworo ñande miraró, “Talita kum,” yaró. (Mande ñu murí muko ñandiro: “Pare ta otoqo, yeteno.”) ⁴²Ñunde yini waka ta

^z 5:31 “iño-iño rewero uni ” ñundo Yesu koya uyaro iño-iño rondaqe yunoyaró.

^a 5:34 “iñondutu ” ñuko ñandiro, asa unipareto ñande kondé ye iñoyotenggo, ko Anutuko meté sopo yereweya.

pare ŋu otoqoro uyare mahe taró. Dokoro pare ŋu tomó ta horé kini, ene kumima naruyó khe saŋiyoro irisa ŋunde qundo taró. Asa unipare soso ŋuno iŋondutuye enesó-enesó taŋguri. ⁴³Quko Yesuko mande kondé ka ŋande yimiraró, “Ŋaro ma yewero.” Ŋunde yero ŋande yaró, “O inorika niní,” yaró.

Nasaret unipareto Yesu koro piyimiŋguri

(*Matyu 13:53-58; Luk 4:16-30*)

6 ¹Asa Yesu koya iŋo-iŋo rewero uniyómboya^b ŋu noŋgo toŋero eneŋo yendémo uyareŋguri. ²Sapat naruko^c ŋuno huru-huru yano oro mande rondaqe yunaró. ŋuno huru-huru yano oro mande rondaqe yunaró.

Yunoní kondé yukuworo ŋande yaŋguri, “Ŋu date tero iŋote? Dani kato iŋo-iŋo ŋu inaró? O wimbí moré ŋu date teyote?” yaŋguri. ³Ŋunde yero ŋande yaŋguri, “Uni ŋuko kewá koro o murí-murí ŋu towoyara naŋge. Ŋuko Maria naŋuni, ko Jems, Joses, Jutas, Saimon koro paye, ko siwo-kuwí ŋano yoteŋgo, hamómbe?” Ŋundiro yero owí ri umbuní eneŋo piyimiŋguri.

⁴Ŋunde yiqo, Yesu mande topé ŋande yaró, “Yendé soso quno ŋuno unipareto ye-ye uni ka^d ará te inoyoteŋgo. Quko eneŋo mirayómo, yayó horémoko ará kama te inoyoteŋgo,” yaró. ⁵Ŋunde ŋuro Yesuko mira ŋuno o wimbí moré ka tewero mepémo kini. O tomó ta-ta naŋge taró. Asa, se khumo uni kumi saŋayemo kandí riní meté taŋguri. ⁶Kowe uniparetoro iŋondutuye piyimi ŋuro iŋondata parámi taró.

Yesuko iŋo-iŋo rewero uni 12 ŋu kho yunoro asá yereró

(*Matyu 10:5-15; Luk 9:1-6*)

Asa imemoŋgo yate yendé kumi kutaqewore ŋuno uyaro mande rondaqe yunoyaró. ⁷Ŋu naruko ŋuno iŋo-iŋo rewero uniyó 12 ŋu^e neko yerero irisa-irisa yorero asá yereró. Ŋunde tero yuqa pusú^f yohowewero quro wimbu kondé yunaró.

⁸⁻⁹Asá yerero mande kondé ŋande yimiraró, “Ye uyari qembe, quko yeŋo o qoyemoro, puŋgeye, wondo musiyó kumi ma siyowero. Usú ka, khe punu-punu ko kowe punu-punu kanata ŋunde naŋge siyoyi qembe. ¹⁰Yendé kano oro koretero ya kano owanŋo tiniqo, ya ŋuno naŋge eteyuri qembe. ¹¹Ko yendé kano unipareto mandeye iŋoro niŋgu-niŋgu kama tiqo, yorotoro yendé sumeyoro

^b 6:1 “iŋo-iŋo rewero uni ” ŋundo Yesu koya uyaro iŋo-iŋo rondaqe yunoyaró. ^c 6:2 “Sapat naru ” ŋuko sonda naru weŋa ŋu. Ŋu naruko ŋuno Juda unipareto huru-huru yayemo huruworo Anutu koro mandí weyoyi iŋoro hariri teyaŋguri. ^d 6:4 “ye-ye uni ” ŋuko Anutuko mandí yunoní unipare yunayŋguri. ^e 6:7 “iŋo-iŋo rewero uni ” ŋundo Yesu koya uyaro iŋo-iŋo rondaqe yunoyaró. ^f 6:7 “yuqa pusú” ŋuko sambo simó ŋunde qembe, quko Anutu koro saŋgiri tero unipare rowore yereyoteŋgo.

ηuno noko murutómi kheyemo ηu siyoyi umbuweya. Rokó ηunde tiqo, unipare ηundo ηande qene iηowaηgo, ‘Anutuko noreya sangiri tete,’ ye iηowaηgo,” yaró.

¹²Yini tonjero yendé kano-kano mande ηande yesowo yimirangurí, “Ye quhuríyembo newonde surumí teya quhuri ηu se roti.” ¹³ηunde yimitoro yuqa piyimi qambu⁸ uni quro koηgo yohowi tonji, kiruwó sonoyó se khumo uni qambu kembayemo hausuwoyi meté tangurí.

Herotko Jon uroní khumaró

(Matyu 14:1-12; Luk 3:19-20; 9:7-9)

¹⁴Asa ηu naruko ηuno wiri yerete uni ka, owí muko Herot,^h ηundo Yesu koro piηayó iηaró. Uni kumimbo Yesu ηuro ηande mirangurí, “Jon, sono re-re uni ηundo uni tapu koηgo pitu ko otoqaró. ηu murí ηuro wimbu ka enewore kho teyote,” yangurí.

¹⁵Kumimbo ηande mirangurí, “Uní ηuko Elaijaⁱ nanje,” yangurí.

Ko kumimbo ηande mirangurí, “Uní ηuko ye-ye uni komo yoraηgo ηunde qembe,” yangurí.

¹⁶Herotko mande soso ηu iηoro ηande rondaηaró, “Uní ηuko Jon nanje, uni urowe khumaró qu ηundo pitu ko yote,” yaró.

¹⁷⁻¹⁸ηunde yaró, dokoro komo Herot koya Herotias koya epe re-re tariyó. Quko Herotias ηuko Herot koro payó Filip ηuro parí. ηunde ηuroko Jonko Herot ηande mito yaró, “Keto pare ηu raró ηundo hutuηo mande wendaqeyote.” ηunde mironí uni parámi ηundo Jon rero kusi-kusi yano rotaró. ¹⁹Asa pare ηu, owí muko Herotias, Jon ηuro sangiri taró, quko urowero kheyó moré kini. ²⁰Dokoro kamímbo Jon ηuro sasaro tero ηande ye iηaró, ko uni ηuko uni roneneηowí, uni meté horé qu ka. ηunde ye iηoro Jon soporo naru rokóηoro mandí iηoro iηondata teyara, quko iηowero quro metéηoyara.

²¹Yate-yate Herotiasko Jon urowero naruyó sopoyara. Sopoyoní naru kano Herotko naru nimímbo pisiyaró ηuro o ne-ne taró. O ne-ne naruko ηuno Herot koro kho uni pará-parámboya kuma unindoro uni kembémboya^j Galili koro uni pará-parámboya mahengurí. ²²Soso mahero o niqo, Herotias nambuní ηuno uyaro qunoraró.

⁸ 6:13 “yuqa piyimi” ηuko sambo simó ηunde qembe, quko Anutu koro sangiri tero unipare rowore yereyotenggo. ^h 6:14 “Herot,” owí kako “Antipas,” ηundo Galili mira sopo yereró, quko enendo *Rom* koro wiri yerete uni parámi kasirayómo yora. Wiri yerete uni parámi ηundo owé parámi ka Herot inaró. Komo Herot koro iwímbo Juda unipare soso wiri yiriníqo, Mariako Yesu pisiyaró. ⁱ 6:15 “Elaija” ηuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). Malakai 4:5-6 ηande yete, ko Elaija pitu ko mahero o ka roηgaruwoníkata Anutuko unipare soso ronda yereweya. ^j 6:21 “kuma unindoro uni kembé” ηunde qundo kuma uni 1,000 wiri yereyara. *Rom* koro wiri yerete uni parámi ηundo Judia mira ηuya wiri yereró. Asa ko eneηo kuma uniyómbo Yerusalem ηuno kunditero unipare sopo yereyangurí.

Qunoroní Herot koya topé-topémboya qenero ninggu-ninggu parámi tero njande miraró, “Quno njuo kimoyómbé tomó tape kunowanope ma parámimbe kunowano. Kimoyó date? ²³Mande kondé yeteno. Nondo mira parámi karo simburí. Keto kira niriqo, mira rondañero topé kunowano,” yaró.

²⁴Ñunde yiní pare keta njuondo roto toñero nimí njande oseseyaró, “Ná, qunoroteno njuo kimoyó date yewano?”

Yiní mande topé njande yaró, “Meté njande kirayo. Jon, sono re-re uni njuo puñí toñoya kembé re mahe kunoní qeneweya kirayo,” yaró.

²⁵Yiní rohoréñoro kñeñeño uyaro wiri yerete uni njande miraró, “Itaka nañge Jon, sono re-re uni njuo puñí toñoya kembé kondómo re mahe nuno,” yaró.

²⁶Ñunde yiní Herotko newonde surumí parámi taró, quko uni o kopo nañgurí njuo toñeyemo mande kondé kusiyo roto wero mepémo kini. ²⁷Ñunde njuo kuma uni ka njande miraró, “Uya Jon puñí toñoya kembé re mahe,” yiní kusi-kusi yano uro puñí toñoro ²⁸kembé kondómo re mahero pare keta nju inoní re uyare nimí inaró. ²⁹Kowe Jon koro iño-iño rewero uniyó njuondo o tunoqaró njuo iñoro mahero ukúño rero tapuñgurí. Sowo mande njuonde nañge.

Yesuko uni 5,000 o qoyembo yunaró
(*Matyu 14:13-21; Luk 9:10-17; Jon 6:1-13*)

³⁰Asa asá yerewí uni njuondo^k khoye ti kini tiní mahengurí. Mahero Yesu koya koporo o soso tañgurí ko mande soso rondaqe yunañgurí njuo piñayó mirañgurí. ³¹Ñu naruko njuo unipare qambu naru rokóño uyare mahe wuriri yerengurí. Ñunde tiqo, Yesu koya uni njuya o newero mepémo kini tañgurí. Ñunde njuoko uniyó njande yimiraró, “Noremata uyareya mira uni kinimo njuo imaqato,” yaró.

³²Ñunde yero mira uni kinimo uyarewero wañgowore toñengurí. ³³Toñiqo, unipare yendé kutaqemo qu yiyo iñoro koporo khewore mira njuo kñeñeño uyaro taka yerengurí. ³⁴Tukú Yesuko wañgo roto mahero unipare qambu nju yiyaró. Yiyoro njande ye iñaró, “Unipare nju sipsip qembe mu sopo-sopoye moré kini tetenggo.”^l Ñunde yero iñoro sikíye te yunoro mande qambu rondaqe yunaró.

³⁵Yate suwo tiníqo, iño-iño rewero uniyómbom^m Yesu njande mirañgurí, “Nore mira uni kinimo yorato suwo tete. ³⁶Unipare ña asá yereka meté yendéne-yendéne o qoyembo kimowero toñi.”

³⁷Ñunde yiqo, njande yimiraró, “Yendo o qoyembo yunoyi.”

^k 6:30 Uni nju Yesuko yorero asá yiriní yendéne-yendéne kho tañgurí. (Mak 6:7-13 weyo qembe.) ^l 6:34 Mandímbo murí njuo Qambuye 27:17 koya Esekiel 34:5 weyo qembe. ^m 6:35 “iño-iño rewero uni ” njuondo Yesu uyaro iño-iño rondaqe yunoyaró.

Yini nhande yanğurí, “Unipare qambu nju o qoyemboro kimoyó parámi nanğe, denarius 200 peka! Nore mepémo kini,” yanğurí.

³⁸Yi mande topé nhande yaró, “Uya bret date yote ye qeni.”

Yini uro qenero rohoréjoro nhande miranğurí, “Bret kandeka ko sono qare irisa nğunde yotiri,” yanğurí.

³⁹Ŋunde yiğo, nhande yimiraró, “Unipare soso yika huru-huru enesó-enesó koporo komó sañano kunditi,” yaró. ⁴⁰Huru-huru njuko unipare kumi 100 ko kumi 50 nğunde ronda yere yoroti kunditanğurí. ⁴¹Kunditiqo, Yesuko bret koya sono qare nju siyoro samboko tojetero o qoyemboro njuro Anutu yunğunañaró. Ŋunde tero bret rondaqero, sono qare rondaqero, iño-iño rewero uniyó yunoní se unipare yunañurí. ⁴²Se yunoyi ni qahuye tinditaró. ⁴³Ni kini tiní bret sombé-sombé nğuya sono qare sombé-sombé nju se tonğo kome puñge tomó ta-ta khe sanjoro irisa nğunde siriyanğurí. ⁴⁴Asa nju naruko nğuno uni 5,000 nğundiro o nanğurí.ⁿ

Yesuko sono sañano khete uyaró

(*Matyu 14:22-23; Jon 6:16-21*)

⁴⁵Asa waka ta Yesuko iño-iño rewero uniyó^o yimironí wañgowore sono towo andusina Betisaita yendémo uyari unipare qambu nju “Ye tonji,” yimiraró. ⁴⁶Ŋunde yimitoro yorotoro enemata purímo oro hariri teyaró. ⁴⁷Teyoní suwo tiníqo, iño-iño rewero uniyó nğundo wañgowore sono towo karóñoro keweroko nanğe yuri Yesu enemata nokono yaró.^p

⁴⁸Yate-yate suwo keweroko horé sono towoko matú parámi mahero wañgo nju kikiñoní tesañgapo sono kiriyoro uyarewero rukusuwanğurí. Sarañowero teyoní Yesu sono towo sañawore khete-khete maheró. Mahero, wañgo takawero, ye inaró. ⁴⁹Quko sono sañano khetiníqo, qenero nhande ye inañurí, “Ŋju kapo ka,” ye inoro kiweyanğurí. ⁵⁰Dokoro uni soso nğundo qenero sasaro parámi tanğurí.

Quko waka ta enendo neko yerero nhande yaró, “Newondeye kondé yoní. Ma sorewero. Ŋjako no.” ⁵¹Ŋunde yero wañgo sañano oní, matú parámi nju imağaró. Imağiní newondeye uraró. ⁵²Dokoro, komo enendo unipare qambu o qoyemboro yunaró njuro murí kama inğoyi tondañiní newondeye kusiyaró.

Yesuko se khumo uni qambu Genesaret nğuno yoriní meté tanğurí

(*Matyu 14:34-36*)

⁵³Asa Galili Sono Towo nju karóñoro tapémo, mira Genesaret nğuno, wañgo kusiyañurí. ⁵⁴Uyaro wañgo rotoro mahi unipareto Yesu qene

ⁿ 6:44 Asa urumuni njuro qambuye muko 5,000, nğundiro nanğe uni, pare, simóye soso njuro qambuye muko parámi horé, 20,000 peka. ^o 6:45 “iño-iño rewero uni ” nğundo Yesu koya uyaro iño-iño rondaqe yunoyaró. ^p 6:47 “Galili Sono Towo” njuko parámi ta. Tapésinango anduware qenewero mepémo kini, kapiyamo. Piruyó muko kilomita 20, ko papareyó muko kilomita 9.

injangurí. ⁵⁵Ꞥunde tero mira soso Ꞥuno khengeꞤo uyare mahengurí. Yesu yendé kano yote, yi injoroqo se khumo uni pitikiwore yore koro yerero Ꞥuno uyarengurí. ⁵⁶Asa Yesuko yendéne-yendéne uyaró quno Ꞥuno topoyembo se khumo uni Ꞥu yorerero yendémo Ꞥuno yorotangurí. Yoroti Yesu mahini Ꞥande kirayangurí, “Meté tuwike toworo meté tewano,” yangurí. Ko towangurí muko meté tangurí.

**Anutu koro hutuꞤo mande Ꞥundo usisambatoro
hutuꞤo mandeye takate
(Matyu 15:1-9)**

7 ¹Naru kano Farisi unindoya^g hutuꞤo mande Ꞥuro iꞤo-iꞤo uni kumimboya^h Yerusalem yendé rotoro Yesuko ungurí. ²Uro Yesu koro iꞤo-iꞤo rewero uniyó^s yiyoyi kandeye Anutu tonjimo pusú tini o qoyembo neyangurí. (Ꞥuro muri muko Ꞥandiro, kandeye kama sonoworo neyangurí.) ³Qeni, Farisi unindoya Juda unipare soso Ꞥuya usisambapukoyembo hutuꞤo mandeye howero sono tomó tapo kandeyemo kama kuriyoroqo o kama neyanggo. ⁴Ko o newero qu maketino kimoro kama sonoworoqo kama neyangurí. HutuꞤo mande qambu Ꞥunde qu howero kusí, kondó ko yakutí etewero qu Ꞥuya soso sonowoyango.^t

⁵Asa Farisi unindoya hutuꞤo mande Ꞥuro iꞤo-iꞤo unindoya Yesu Ꞥande oseseyangurí, “Do karo keꞤo iꞤo-iꞤo rewero unikepo kandeye Anutu tonjimo pusú tini bret kinange neyotenggo? Ꞥunde tero usisambananimbo hutuꞤo mandeye Ꞥu wendaqeyotenggo,” yangurí.

⁶Ꞥunde yiqo, Ꞥande yimiraró, “Komo suki Aisaiako ye mangoye irisa Ꞥuro hamó ye-ye mande ka Ꞥande nakayáꞤaró,

“Unipare Ꞥako mangoyembo ará te nunoyotenggo,
quko newondeye muko piyimi horé teyote.

⁷Enendo unindoro hutuꞤo mandeye nanꞤe rondaqe yunoro potoruku kota qu re nunoyotenggo.’

⁸Ꞥunde nakayáꞤoni asa yendo Anutu koro mande kondé Ꞥu rotoro unindoro hutuꞤo mande qu howeyotenggo.

⁹“Ye Anutu koro mande kondé Ꞥu rotoro yeꞤo muriye howeyotenggo.

¹⁰Dokoro Mosesko Ꞥande yaró, ‘Awa-náꞤgeporo ará te yuno qembe,’^u ko,

^g 7:1 “Farisi uni ” Ꞥundo, nore Anutu koro *hutuꞤo mande* Ꞥuro okeyá ta howeyoteto, ye injangurí. ^h 7:1 “*hutuꞤo mande Ꞥuro iꞤo-iꞤo uni* ” Ꞥundo Anutu koro mande Ꞥu unipare rondaqe yunoyangurí. ^s 7:2 “*iꞤo-iꞤo rewero uni* ” Ꞥundo Yesu koya uyaro iꞤo-iꞤo rondaqe yunoyaró. ^t 7:4 Komo suki Anutuko *hutuꞤo mande* Ꞥu Moses inoní Israel unipare yunaró. Yate-yate eneꞤo usi-siye hutuꞤo mande horé Ꞥu gene iꞤoro hutuꞤo mande kaꞤuya sowe tangurí. Asa Yesu koro naruyómo Ꞥuno Juda unindo Ꞥande ye injangurí, ko hutuꞤo mande soso Ꞥunde qu wimbí moré. ^u 7:10 TonꞤengurí 20:12; HutuꞤo Mande 5:16

‘Uni kato iwí-nimí yesará yereweya ñu urika khumoní,’^v yaró. ¹¹Quko yendo ñande yeyoteño, ko uni kato ñande yeweya, ‘Awa-náme, no samaka yerewano, quko komo o yunowano quro “Koripan” yanowó. Asa ko no yunowero mepémo kini.’ (Asa “Koripan” ñuro murí muko ñandiro, “Anutu inowano nanje.”) ¹²Ñunde yeweya tiníqo, yendo uni ñu iwí-nimí samaka yerewero sorénoyoteño. ¹³Ye Anutu koro mande ñu rotoro yeño hutuño mande qu howeyoteño. Ko o qambu ñunde qu ñuya teyoteño.”

Do ka uni riní Anutu toñímo pusú teweya?

(Matyu 15:10-20)

¹⁴Yesuko ñunde yero unipare qambu ñu neko yerero ñande yimiraró, “Ye soso injika tondañiní. ¹⁵Oka kato uni quroko uyote qundo uni ñu riní Anutu toñímo pusú tewero mepémo kini.”^w Kini. Oka newondí quro koño areyote ñundo ta Anutu toñímo uni ñu riní pusú teyote.” ¹⁶(-)^x

¹⁷Ñunde yero unipare qambu yorotoro yano oro ino-ino rewero uniyómbo mande ñuro murímbo oseseyangurí. ¹⁸Yiqo, ñande osese yereró, “Do ka? Ye ñuya kama inoyi tondañeyote, peka? O soso uni quroko uyote ñundo Anutu toñímo uni kama riní pusú teyote. ¹⁹Dokoro uni ka o niníqo, newondímo kama uyote. Kini. Qahímo nanje uro, yate qosimbino uyote.” (Yesuko mande yaró ñuwore o soso ñuro, “O meté newero qu,” yaró.)

²⁰Asa ñunde yero ñande yaró, “O piyimi uni newondeye moño areyote ñundo ta uni ñu yoriní Anutu toñímo pusú teyoteño. ²¹Dokoro o piyimi ñande qu newondeye moño areyote: ino-ino piyimi, se simbururu tewero murí, momo tewero murí, uni yuwero murí, ²²meowomboro parímboya etewero murí, wondo situwi rewero murí, o piyimi nanje tewero murí, uni kaná yerewero murí, otete piyimi ñuro kowi piyo kama tewero murí, unindoro onoñojó ñuro piyimiñowero murí, yesará yerewero murí, mira windu-windu tewero murí, kape-kape tewero murí. ²³Ñundo ta uni newondeye quro koño areyote ñundoko uni ñu yoriní Anutu toñímo pusú teyoteño.”

^v 7:10 Toñangurí 21:17; O Qa-qa Uni 20:9 ^w 7:15 Anutu koro sokomeko ñande yaró, ko o kate-kate Anutu toñímo pusú yora, ko uni ka murí kate-kate taró qundo pusú tunoqaró. Asa ko Juda unindo ñande yangurí, ko uni ka murí pusú ñunde qu tarómbe ma o pusú ka towaró qundo Anutuko kutaqe ñuno uyarewero mepémo kini. Koretero enendo o *qa-qa* tero sara tunoqeroqota kutaqe ñuno meté uyareweya. ^x 7:16 Komo suki Makiko mande soso ña nakayañaró, ko imemongo uni meowoyo peka mande kañuya ñano sowe taró. Mande ñuko ñandiro: ¹⁶ “Ye soso ino-inoye moré tiníqo, mande ña inji.”

Ponisia pare kato mande meté yaró
(*Matyu 15:21-28*)

²⁴Asa Yesuko mira ñu roto toñero mira kutaqe ñu, owí Tair,^y ñuno uyaró. Uyaro sóqero imaqewe yero ya kano oró. Quko sóqewero mepémo kini. ²⁵⁻²⁶Pare kato Yesu mahete yi iñoro waka ta ñuno uyaró. Pare ñuko Grik pare ka, Ponisia mira ñu nongo qu. Komo, yuqa pusú kato nambuní quroko uró. Ñunde ñuroko pare ñundo mahero nokono potorku re inoro ñande kirayaró, “Metémbe yuqa piyimi nambonemo yote ñu howi toñeweya?” yaró.

²⁷Yini Yesuko ñande miraró, “Koretero simó o qoyembo ni qahuye tinditeweya. Uni kato o qoyembo ñu supiyoro opiño simó yunoyote, ñuko piyimi,” yaró.

²⁸Yini mande topé ñande yaró, “Awa, simó ñu o nero kimboñero roti umbuní opiñombo newaño,” yaró.

²⁹Yini ñande yaró, “Keto mande meté yete. Ñunde ñuroko yuqa piyimi ñu namboke moño roto toñete.”

³⁰Ñunde yini yano toñero nambuní qeniní yuqa piyimi ñu roto toñini imaqero etaró.

Yesuko uni ka mañgó, kusumbí piyimi mu riní meté taró

³¹Asa Tair mira roto toñero Saiton mirawore^z uyaro Galili Sono Towo tapéwore uro Dekapolis mirako^a ñuno uyaro. ³²Uyarini unipareto uni ka kusumbí tuwo ko mande meté kama yeyara qu re Yesuko mahengurí. Mahero, “Uni ñambe meté ri meté teweya?” yero kirayangurí.

³³Ñunde yi Yesuko uni ñu rero songa woso uyaro kandi pusiri re kusumbímo sangaworo, tute tero, uni ñuro mipímo raró. ³⁴Rero samboko toñetero newonde surumí tero yuqa rañoro ñande yaró, “Epata.” (Mande ñu, “Epata,” ñuro murí muko ñandiro, “Koso.”) ³⁵Waka ta kusumbí hiyóqaró. Ko mañgó taño tini mande meté yaró.

³⁶Ñunde tini Yesuko mande kondé unipare ñande yimiraró, “Ñaro ma yewero,” yaró. Ñunde watí yeyaró, quko wendaqero yendé kano-kano o ñuro yesowo yimitoyangurí. ³⁷Ñunde yimitoyuriqo, unipareto iñoro kondé yukuwoní epe mito-mito tañgurí, “Yesuko o soso meté teyote. Asa ñundiro uni kusumboye tuwo mu yorini kusumboye hiyóqeyote. Ko uni mañgoye kakayiwí mu yorini mande meté yeyotenjo.”

^y 7:24 “Tair” ñuko *kape unindoro* yendéye, Juda koro miraye sumeyoro windi tapémo ñuno yora. ^z 7:31 “Tair koya Saiton” ñuko *kape unindoro* yendéye, Juda koro miraye sumeyoro windi tapémo ñuno yorariyó. ^a 7:31 “Dekapolis mira” ñuko *kape unindoya* Juda uniparetoya mirako ñuno kunditeyangurí, ko *Herot* koro nañuní Filipko sopo yereró. Owé murí muko ñandiro: Yendé Parámi mu Kande Irisa.

Yesuko uni 4,000 o qoyembo yunaró
(*Matyu 15:32-39*)

8 ¹Ŋu naruko ŋuno unipare qambu pitu ko Yesuko mahero kopangurí. Quko o qoyembo newero qu moré kini. Ŋunde ŋuroko Yesuko iŋo-iŋo rewero uniyó^b neko yerero ŋande yaró, ²“No unipare qambu ŋaro sikíye teteno. Enendo kosa naru kapusa noya ŋano yotoro o qoyembo khumoyotengó. ³Ko, ‘Yano tonj,’ yero asá yerewano tiníqo, kheko wimbuye kini teweya, peka. Dokoro kumimbo yaye sewemo nanŋe.”

⁴Ŋunde yiní mande topé ŋande yaŋgurí, “Uni kato unipare qambu ŋande qu mira uni kinimo ŋandiro quuno ŋuno date o qoyembo yunoweya?”

⁵Yiqo, ŋande osese yereró, “Yendo bret date towotengó?”

Yiní ŋande yaŋgurí, “Bret kande saŋiyoro irisa,” yaŋgurí.

⁶Asa Yesuko unipare yimironí nokono kunditangurí. Kunditi bret kande saŋiyoro irisa ŋu siyoro Anutu yuŋgunaŋoro romboŋero iŋo-iŋo rewero uniyó se yunoní se unipare yunaŋgurí. ⁷Ŋuya sono qare tomó ta-ta kumí siyoro Anutu yuŋgunaŋoní unipare se yunaŋgurí. ⁸Se yunoyi ni qahuye tinditaró. Tinditiní sombé-sombé kumi yoní tonŋo kome puŋŋe parámi kande saŋiyoro irisa ŋunde siriyangurí. ⁹Uni 4,000 ŋundiro o naŋgurí.^c Asa ni kini tiní asá yiriní tonŋengurí. ¹⁰Asá yerero eneya, iŋo-iŋo rewero uniyómboya waŋgo tomó ta quwore mira ka owí muko Dalamanuta ŋuno uyareŋgurí.

Farisi unindoro muríye muko piyimi
(*Matyu 16:1-12*)

¹¹Uyari Farisi uni^d kumimbo mahero Yesu koya mandeto kuma tero towonowero quro ŋande yaŋgurí, “Sambo koro rokó^e ka teka nore qene iŋato, keko Anutu koro kho qu teyote.” ¹²Ŋunde yiqo, newonde surumí tero yuqa raŋoro ŋande yimiraró, “Do karo unipare itaka nokono yotengó qundo rokó qenewero ŋuro ye iŋoyotengó? Ye hamó yimiroteno, rokó ka kama tewano.” ¹³Ŋunde yimitoro tonŋero waŋgo tomó ta quwore Sono Towo karóŋoro andusina uyarewero tonŋengurí.

¹⁴Waŋgowore tonŋengurí, quko uniyómbo bret koro kape tero kama siyaŋgurí. Kini, bret kanata nanŋe raŋgurí. ¹⁵Asa Yesuko mande kondé

^b **8:1** “iŋo-iŋo rewero uni ” ŋundo Yesu koya uyaro iŋo-iŋo rondaŋe yunoyaró. ^c **8:9** Asa urumuni ŋuro qambuye muko 4,000, ŋundiro nanŋe uni, pare, simóye soso ŋuro qambuye muko parámi horé, 16,000 peka. ^d **8:11** “Farisi uni ” ŋuko unindoro huru-huru ka Israel mirako ŋuno yaŋgurí. Enendo Anutu koro *hutuŋo mande* ŋuro okeyá ta howero uniparetoro tonŋeyemo owéye parámi taŋgurí. ^e **8:11** “sambo koro rokó” ŋuro murí muko ŋandiro: naru rokóŋo Juda unindo Anutu koro owí hamó ŋu kama ye nekaŋgurí. Kini, mande meyworo rohoréŋo yeyaŋgurí. Ŋundiro, “sambo,” ye nekaŋgurí. “Rokó” ŋuko o *wimbí moré* ka peka.

ɲande yimiraró, “Qeni, Farisi koro yis ko Herot^f koro yis ɲuko rambaruru yereweya,” yaró.

¹⁶ ɲunde yini epe mito-mito tero ɲande yaɲguri, “Nore bret kape tato ɲuro yete,” yaɲguri.^g

¹⁷Yiqo, iɲoro ɲande yimiraró, “Do muri karo bret koro kape taɲgo ɲuro epe mito-mito teyotɛngo? Yembe wati kama iɲoyi tondaɲete? Iɲo-iɲoye muko kama hiyóqete? ¹⁸Toɲeyembope kama qeneyotɛngo? Ko kusumboyembope kama iɲoyotɛngo? O soso kape teyotɛngo, peka? ¹⁹Qeni, komo nondo bret kandeka romboɲero uni 5,000 yunowe ni bret sombé-sombé kumi yoni siriyoyi, toɲgo kome puɲge datiro maɲgoraró?”

Yini mande topé ɲande yaɲguri, “12 ɲunde maɲgoraró.”

²⁰Yi ɲande osese yereró, “Kowe bret kande saɲiyoro irisa rondaqe uni 4,000 yunowe ni bret sombé-sombé kumi yoni siriyoyi, toɲgo kome puɲge paraɲi datiro maɲgoraró?”

Yini mande topé ɲande yaɲguri, “Kande saɲiyoro irisa maɲgoraró.”

²¹Yi ɲande osese yereró, “Iɲi tondaɲetepe ma kini?” yaró.

Yesuko uni ka toɲi piyimi mu rini meté taró

²²Asa Yesu koya iɲo-iɲo rewero uniyómboya^h uyareyate Betisaita yendémo ɲuno uyareɲguri. ɲuno unipareto, uni ka toɲi piyimi mu Yesuko roɲgaruwoweya, yero re mahɛnguri. ²³Yesuko uni ɲu kandímo toworo re yendé tapémo uyaro toɲimo tute tero pekáɲoro ɲande oseseyaró, “Do ka qenete?”

²⁴ɲunde yiniqo, toɲetero ɲande yaró, “Nondo uni kumi yiyoro te qembe tero uyare mahe teyotɛngo ɲu yiyoteno,” yaró.

²⁵Yini naru kaɲuya Yesuko toɲi pekáɲoni meté toɲetero toɲi soso hiyóqaró. ²⁶Hiyóqini mande kondé ɲande miraró, “Yano oyo yendémo ma umbuwero,” ye soréɲaró.

Pitako Yesu koro mande meté yaró

(*Matyu 16:13-20; Luk 9:18-21*)

²⁷Tukú Yesu koya iɲo-iɲo rewero uniyómboyaⁱ Sisaria Filipai yendé sumeyoro yendé tomó-tomó ɲuno oɲguri. Oro kheko ɲande osese yereró, “Unipareto, no dani, yero yeyotɛngo?”

^f 8:15 “Herot,” owi kako “Antipas,” ɲundo Galili mira sopo yereró, quko enendo Rom koro wiri yerete uni paraɲi kasirayómo yora. Wiri yerete uni paraɲi ɲundo owe paraɲi ka Herot inaró. Komo Herot koro iwimbo Juda unipare soso wiri yiriniqo, Mariako Yesu pisiyaró. ^g 8:16 Yesuko “yis” ɲuro yaró, ko pareto yis koya plaua, sono rohoréɲoyi yis ɲuko plaua rini koɲini qayiqo, bret tunoqaró. ɲundiro nange *iɲo-iɲo rewero uniyómbo* “yis” iɲoro, “bret” ɲuro yete, ye iɲaɲguri. ^h 8:22 “*iɲo-iɲo rewero uni*” ɲundo Yesu koya uyaro iɲo-iɲo rondaqe yunoyaró. ⁱ 8:27 “*iɲo-iɲo rewero uni*” ɲundo Yesu koya uyaro iɲo-iɲo rondaqe yunoyaró.

²⁸ Yiní ñande yimirangurí, “Kumimbo keko sono re-re uni ñu, Jon, yeyotenggo. Kowe kumimboko, Elaija,^j yeyotenggo. Kowe kumimboko, ye-ye uni^k meyowo ka, yeyotenggo.”

²⁹ Ñunde yiyo, ñande osese yereró, “Ko yeñomboko, nenembororo date yeyotenggo?” Ñunde yiní Pitako mande topé ñande yaró, “Keko Kristo^l ñu,” yaró.

³⁰ Yiníyo, ñande yiyo yaró, “Uni ka neneño ma yimirowero,” yero soré yereró.

Yesuko ene khumoro pitu ko otoqoweya ñuro yimiraró
(*Matyu 16:21-28; Luk 9:22-27*)

³¹ Asa Yesuko hurí rero mande ka rondaqe yunoro ñande yaró, “Unindoro Nanuní^m kowe surumí parámi korowoní, uni kembé-kembémboya o qa-qa unindoro tapá unindoya hutuño mande ñuro iño-iño unindoⁿ ene huwóñoro uri khumoweya. Ko naru kapusayómo ñuno pitu ko otoqoweya.” ³² Ñunde yero Yesuko mandí tunomo yaró. Yiníyo, Pitako Yesu tangímo uyaro, “Ñunde ma yewero,” ye qene yaró.

³³ Yiní Yesuko rohoréñoro iño-iño rewero uniyó^o yiyoro Pita ñande qene yaró, “Monimbu, ke tupunesina uyare! Ketope khene kusiyowero yete. Keto Anutu iño-iño^{yó} kama howete. Kini. Unindoro iño-iño^ye nanqe howete.”

³⁴ Ñunde yero unipare qambu ñu neko yerero ñande yimiraró, “Uni ka no nohoweweroqo, ene eneño re umburoqota, tipiririyó^p re koroworo no nohowiní. ³⁵ Dokoro dani kato eneño yoto-yotoyó kondé towowero ye iñote qu, yoto-yotoyó ñu piyo teweya. Quko dani kato no iño nunoro miti mande^q koro iñoro yoto-yotoyó rotoweya tiníyo, ene yoto-yotoyó ñu reweya. ³⁶ Asa qeni, ko uni ka noko koro o soso ñu reweya, quko ene piyo tero kini teweya, asa o soso ñundo date samakañoweya. ³⁷ Uni

^j **8:28** “Elaija ” ñuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). Malakai 4:5-6 ñande yete, ko Elaija pitu ko mahero o ka roñgaruwoníkata Anutuko unipare soso ronda yereweya.

^k **8:28** “ye-ye uni ” ñuko Anutuko mandí yunoní unipare yunangurí. ^l **8:29** “Kristo ” - komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yangurí. Juda unipareto uni maheweya ñu, “Kristo,” ma, “*Mesaiya*,” ye nekangurí. Mande irisa ñuro murí muko “uni rokóñowí” nanqe. ^m **8:31** “Unindoro Nanuní ” ñuko Yesu nanqe. ⁿ **8:31** Uni soso ñundo Juda koro huru-huru parámi ka, owi *Sanedrin* , tangurí. Enendo Juda unipare ronda yereyangurí. ^o **8:33** “iño-iño rewero uni ” ñundo Yesu koya uyaro iño-iño rondaqe yunoyaró. ^p **8:34** “tipiriri ” ñunde quko tatá suruño nokono rañoro piño papare ka koreko kusiyoro uni ñuno porowoyangurí. Naru rokóñoro uni tipiririko ñuno khumoweya ñuko papareyó re koroworo khumowero quro mirayómo ñuno uyarengurí. ^q **8:35** “miti mande ” ñuko Anutuko Kristo asáñoní khumoro quhurínanimbororo kimo tiní Anutu koya newonde kanata tewero ñuro mande meté mu nanqe.

kato khumoro o nunde quwore yoto-yoto suki-suki meté kimo teweyape ma kini? ³⁸Uni kato itaka n̄ano, naru piyimi n̄ano, nenemborope ma mandenemboro kowi piyo teweya quko, asa tukú Unindoro Naḡuní n̄undo iwím̄boro sine parámimo sambo simó surumí ḡuya mahewaḡo quno ḡuno uni n̄unde qu kowi piyo teweya.”

9 ¹ḡunde yero n̄ande yimiraró, “Mande hamó yeteno. Uni kumi n̄ano kaḡeteḡo qundo kama khumoyuri Anutuko unipareyó wiri yereyote naruyó’ n̄undo wimbu parámi tero maheweya ḡu qenewaḡo.”

Yesu kowí rohoréḡo enesó taró
(*Matyu 17:1-13; Luk 9:28-36*)

²Tukú, naru kande saḡiyoro kanata n̄unde rotoro Yesuko Pita, Jems, Jon yorero enemata mira purímo oḡurí. toḡeyemo ḡuno Yesu kiraró enesó horé taró. ³Tero tuwiyó tinden̄iwí tero sara-sara meté horé tunoqaró. Nokono n̄ano uni kato tuwi riní sara n̄unde qu tunoqewero mepémo kini. ⁴Asa Elaija koya Moses koya^s ḡuno tunoqiri yiyoyi Yesu koya mande taḡurí.

⁵ḡunde ti Pitako Yesu n̄ande miraró, “Rapi,^t noya topo-toponemboya n̄ano yoteto, ḡuko meté. Asa ko yamaru kapusa rewato: ka keḡo qu, ka Moses koro, ka Elaija koro.” ⁶ḡunde yaró, quko mandí murí ḡuro kama iḡoní tondaḡaró. Dokoro sasaro parámi taḡurí.

⁷Asa koporéko uni pará-pará ḡu poka yiriní koporé quro koḡo mande ka n̄ande yaró, “ḡuko neneḡo naḡone, eneḡo surumí iḡoyoteno. Maḡó howeyuri qembe.”

⁸ḡunde yiníqo, waka ta toḡetero uni pará-pará irisa ḡu kama yiyaḡurí. Yesu naḡe ḡuno qeneḡurí.

⁹Asa mira purí rotoro umbuyate Yesuko kondé n̄ande yimiraró, “O qeneteḡo ḡuro unipare ma yimirowero. Imemoḡo Unindoro Naḡuní^u uni tapu koḡo otoqoníqota meté yimiroyi qembe,” yaró. ¹⁰Imemoḡo yate mandí kama wendaqaḡurí. Quko epe mito-mito taḡurí, “ḡu ‘uni tapu koḡo otoqoweya,’ ḡu do ka?”

¹¹Asa umbuyate n̄ande oseseyaḡurí, “Do murí karo hutuḡo mande ḡuro iḡo-iḡo unindo^v n̄ande yeyoteḡo, ‘Koretero, Elaija ḡuko korete maheweya?’”

^r 9:1 “Anutuko unipareyó wiri yereyote naruyómo ” ḡuno iḡondutu unipareko hamó Anutu kusuyoyómo yowaḡo. ^s 9:4 Komo suki “Mosesko ” Israel unipare yorero *Isip* mira rotoro eneḡo mirayemo ḡuno uyareḡurí. ḡu naruko ḡuno Anutuko Moses *hutuḡo mande* inoní unipare yunaró. Imemoḡo ta “*Elaijako* ” Anutu koro *ye-ye uni* parámi taró. Komoko uni irisa ḡundo Yesu kama tunoqeyoní khumariyó. ^t 9:5 “Rapi ” ḡuro murí muko ḡandiro, “Rondaqe-rondaqe Uni.” ^u 9:9 “Unindoro Naḡuní ” ḡuko Yesu naḡe. ^v 9:11 “*hutuḡo mande ḡuro iḡo-iḡo uni* ” ḡundo Anutu koro mande ḡu unipare rondaqe yunoyangurí.

¹²Yi n̄ande yimiraró, “Hamó, koretero Elaija mahero o soso piyo taró mu ron̄garuwote.” Quko ye date in̄otenḡo, do murí karo Anutu koro mande n̄ande yete, ko Unindoro Najuní o quhurí parámi riní unipare huwón̄owan̄go?^x ¹³Ḥunde quko n̄ande yimiroteno, komo Elaija pitu ko maheró. Mahiní unindo eneño in̄o-in̄oye howero murí piyimi te in̄angurí. O tunoqaró n̄uro uni kato Anutu koro sokome quno n̄uno nakayán̄jaró.”^y

Yesuko yuqa piyimi simó quroko qu howiní toḅeró
(*Matyu 17:14-21; Luk 9:37-43*)

¹⁴Asa mira purí rotoro umbuyiqo, amuno n̄uno unipare qambu in̄o-in̄o rewero uni kumi^z wuriri yerengurí. Kowe hutuño mande n̄uro in̄o-in̄o unindoya^a in̄o-in̄o rewero uniyómboya kiro mande yan̄gurí. ¹⁵Asa unipare qambu n̄undo Yesu qeni newondeye yukuwoní kheḅengeḅoro, “Umbute n̄u,” yeyan̄gurí.

¹⁶Ḥunde yi Yesuko hutuño mande n̄uro in̄o-in̄o uni n̄ande osese yereró, “Do murí karo in̄o-in̄o rewero uninemboya mande parámi yetenḡo?” yaró.

¹⁷Yiní uni kato unipare qambu keweroye moḅgo mande topé n̄ande yaró, “Rondaqe-rondaqe uni, nondo naḅone re mahero ke seqa kereteno. Yuqa piyimi ka^b naḅone quroko yoní mande yewero mepémo kini. ¹⁸Naru rokón̄oro yuqa piyimi n̄undo naḅone kondé re uroní khe kandí yukuwoní siḅiworere ka umbuyote, mití kindotoyote, khe kandí soso tinditeyote. Nondo in̄o-in̄o rewero unike kira yerero, yuqa n̄u howi toḅeweya, yanowó. Quko enendo mepémo kini.”

¹⁹Ḥunde yiní mande topé n̄ande yaró, “Ye unipare itaka nokono yotenḡo qundo in̄ondutu^c kama reyotenḡo! Naru date yeya yowano? Naru date quhuríye korowoyowano? Simó n̄u re nono mahi.”

²⁰Ḥunde yiní re mahiqo, yuqa piyimi n̄undo Yesu qenero waka ta simó uroní khe kandí yukuwoní nokono umburo keré-keré tero siḅiworere ka umburó.

²¹Ḥunde tiní Yesuko iwí n̄ande oseseyaró, “Naru datiro n̄unde teyote?”

Yiní n̄ande yaró, “Simó tomó ta quno teyate. ²²Naru kumimo yuqa piyimi n̄undo rambaruruwowero quro re nombono ran̄oyara ko sonono n̄uya ran̄oyara. Quko ke wimbuke moré tiníqo, sikínani te nunoya nore samaka nere.”

^w 9:12 Malakai 4:5-6 weyo qembe. ^x 9:12 Aisaia 53:3 weyo qembe. ^y 9:13 Yesuko Jon, sono re-re uni n̄uro yaró. Jonko Yesu koro kheyó ron̄garuwoní uroyi khumaró.

^z 9:14 “*in̄o-in̄o rewero uni*” n̄undo Yesu koya uyaro in̄o-in̄o rondaqe yunoyaró.

^a 9:14 “*hutuño mande n̄uro in̄o-in̄o uni*” n̄undo Anutu koro mande n̄u unipare rondaqe yunoyan̄gurí. ^b 9:17 “*yuqa piyimi*” n̄uko *sambo simó* n̄unde qembe, quko Anutu koro saḅgiri tero unipare rowore yereyotenḡo. ^c 9:19 “*in̄ondutu*” n̄uko n̄andiro, asa unipareto n̄ande kondé ye in̄oyotenḡo, ko Anutuko meté sopo yereweya.

²³ ʔunde yini ʔande yaró, “Wimbune ʔuro yete. Asa uni kato iʔondutu kondé tiniqo, o meté soso tunoqeweya.”

²⁴ Asa simó ʔuro iwímbo kondé ʔande yaró, “Iʔondutu hamó teteno! Quko iʔondutune kondé kini, ime. Enina, samaka nere.”

²⁵ ʔunde yini Yesuko unipare qambu kheŋgeŋo mahenʔurí ʔuro yiyo iʔoro yuqa pusú ʔu ʔande qene yaró, “Ke maŋgó piyimi kusumbí piyimi quro yuqa, ke ʔande kimiroteno, simó ʔa roto toŋeya naru kano ʔu quroko ʔuno ma uwero.”

²⁶ ʔunde yiniqo, simó ʔu kondé kiwero khe kandí yukuwoní yuqa piyimi ʔu roto toŋeró. Toŋini umburo khumo inaró. Khumo inoní unipare qenero, “Khumote,” yaŋgurí. ²⁷ Quko Yesuko kandí toworo hokoní otoqo kaŋaró.

²⁸ Tukú enemata yano oro iʔo-iʔo rewero uniyómbó Yesu ʔande oseseyaŋgurí, “Date koro norendo yuqa piyimi ʔu howewero mepémo kini?”

²⁹ Yiyo, ʔande yaró, “Yendo hariripo naŋge yuqa ʔunde qu howewaŋgo,” yaró.

Yesuko ene khumoro otoqoweya ʔuro pitu ko yaró

(Matyu 17:22-23; Luk 9:43-45)

³⁰ Asa Yesuko ʔu noŋgo uro unipareto niyowaŋgo yero enemata Galili Sono Towo tapémo uyareŋgurí. ³¹ Dokoro mande ka iʔo-iʔo rewero uniyó rondaqe yunoro ʔande yeyaró, “Kumimbo Unindoro Naŋuní^d re saŋgirí uni kandeyemo rotowe tetenʔo. Enendo uroyi khumoweya, quko naru kapusa kini tiniqo, otoqoweya.” ³² ʔunde yiniqo, mande ʔuro murí kama iʔoyi tondaŋaró. Ko murí ʔuro oseseyowero quro soraŋgurí.

Uni parámi tewero quro murí ʔuro yaró

(Matyu 18:1-5; Luk 9:46-48)

³³⁻³⁴ Uyareyate iʔo-iʔo rewero unindo dani keweroyemo kato imemoŋgo topé-topé taka yereweya ʔuro mandeto epe uto-uto taŋgurí. Asa Kaperneam yendémo ya kano oro Yesuko ʔande osese yereró, “Do murí karo kheko ʔuno mande kondé yero epe mito-mito taŋgo?” yaró. Quko mande topé kama yaŋgurí.

³⁵ Asa ko kunditero iʔo-iʔo rewero uni khe saŋiyoro irisa ʔu neko yerero ʔande yimiraró, “Uni kato owé parámi rewero quro iʔote tiniqo, koretero uni soso koro sunará simó teweya.”

³⁶ ʔunde yeroqo simó ta ka rero keweroyemo rero towo pisiyoro ʔande yimiraró, ³⁷ “Uni kato neneŋo iʔoro simó ta ka ʔande quya topo teweya ʔuko noya topo teweya. Uni noya topo teweya ʔuko Awanembo asá nereró ʔuya topo teweya. Dokoro Anutuko no asá nereró.”

^d 9:31 “Unindoro Naŋuní” ʔuko Yesu naŋge.

Uni ŋambe uni saŋgírí kape ma toponani ka?

(Luk 9:49-50)

³⁸Asa Jonko ŋande yaró, “Rondaqe-rondaqe uni, norendo uni ka owéŋgemo yuqa piyimi^e yohowiní toŋeŋgurí ŋu qenetowó. Uni ŋu noreŋo sowe-sowe qu kini. Ŋuroko yuqa piyimi ma yohowewero, yero soréŋatowó.”

³⁹Ŋunde yiniqo, Yesuko ŋande yaró, “Ma soréŋowero. Uni kato no owénemo o wimbí moré^f ŋundiro teroqo waka ta owéne kama re umbuweya. ⁴⁰Dokoro uni noreya saŋgírí kama te nunotēŋgo ŋuko noreŋo toponani. ⁴¹Uni kato kiyoro, keko Kristo^g ŋuro uni ka, yero iŋoro sono kiŋo kunuweya quko, imemoŋgo Anutuko puriŋo ka uni ŋu inuweya. Ŋu hamó.

Uni ka otete piyimimo ma wosowero

(Matyu 18:6-9; Luk 17:1-2)

⁴²“Uni kato tomó ta qu ka no iŋondutu nereyote qu^h wosoní o piyimi teweya tiníqo, unindo simó wosote ŋu topé piyimi horé reweya. Meté koretero unindo wondo parámi ka eneŋo puŋímo kusiyoro re windi quroko raŋi khumorogota o kama teweya. ⁴³Ko kandekepo kowosoní o piyimi teroqo kandeke toŋo raŋo qembe. Ke soŋga ta ŋundiro piyo tero samboko oweya, ŋuko meté. Koweke soso meté yotoro kandeke irisa-irisa yote quko kewá piyimimoⁱ ŋuno raŋoní uweya, ŋuko piyimi horé. ⁴⁴(-)^j ⁴⁵Ko kheŋgepo kowosoní o piyimi teroqo kheŋge toŋo raŋo qembe. Ke soŋga ta ŋundiro piyo tero samboko oweya, ŋuko meté. Koweke soso meté yotoro kheŋge irisa-irisa yote quko kewá piyimimo ŋuno raŋoní uweya, ŋuko piyimi horé. ⁴⁶(-)^k ⁴⁷Ko toŋeŋgepo kowosoní o piyimi teroqo toŋeŋge tumo raŋo qembe. Ke soŋga ta ŋundiro piyo tero Anutuko unipareyó wiri yereyote naruyómo oweya, ŋuko meté. Koweke soso meté yotoro toŋeŋge irisa-irisa yote quko kewá piyimimo ŋuno raŋoní uweya, ŋuko piyimi horé. ⁴⁸Ŋuno

^e 9:38 “yuqa piyimi” ŋuko *sambo simó* ŋunde qembe, quko Anutu koro saŋgírí tero unipare rowore yereyotēŋgo. ^f 9:39 “o wimbí moré” ŋuko o enesó-enesó tunoqiní Anutu koro wimbí ŋunde tunomo yoweya. ^g 9:41 “Kristo” ŋuko Yesu nanŋe, asa Anutuko rokóŋoní mahero wiri yerete uni parámi horé tunoqaró ŋu. ^h 9:42 “iŋondutu” ŋuko ŋandiro, asa unipareto ŋande kondé ye iŋoyotēŋgo, ko Anutuko meté sopo yereweya. ⁱ 9:43 “kewá piyimi” ŋuko *naru weŋako* ŋuno quhurí unipareto topé piyimi rero kewáko ŋuno naru suki-suki yoqaweya. ^j 9:44 Komo suki Makiko mande soso ŋa nakayáŋaró, ko imemoŋgo uni meyowo peka mande kaŋuya ŋano sowe taró. Mande ŋuko ŋandiro: ⁴⁴“Ŋuno punipo uni koweye naru suki-suki neyotēŋgo. Ko kewá ŋuno naru suki-suki qaro kama winzumoweya.” ^k 9:46 Komo suki Makiko mande soso ŋa nakayáŋaró, ko imemoŋgo uni meyowo peka mande kaŋuya ŋano sowe taró. Mande ŋuko ŋandiro: ⁴⁶“Ŋuno punipo uni koweye naru suki-suki neyotēŋgo. Ko kewá ŋuno naru suki-suki qaro kama winzumoweya.”

“naru suki-suki punipo unindoro koweye neyotenjo.

Ko kewá ñuno naru suki-suki qaro kama khumoyote.’

⁴⁹Pare kato nembo re o newero qu sañano reyote. Ñundiro nañge Anutuko kewá re unipare soso sañayemo reweya.

⁵⁰“Nembo ñuko o meté mu. Quko nembo ñuro nuñgurí ñu kini tiníqo, khoyó kini teweya. Ye soso nembo ñundiro nañge ti qembe. Newonde ime epe ino-ino ti qembe.”

Parí, kamí rotowero murí ñuro yaró

(Matyu 19:1-12; Luk 16:18)

10 ¹Asa Yesuko mira ñu rotoro Jotan Sono andusina Judia mirako uyaró. Ñunde tiní unipare qambu soso pitu ko eneno kopoyañgurí. Kopoyi eneño murí howero mande rondaqe yunoyaró.

²Ñu naruko ñuno Farisi uni^l kumimbo mahero Yesu towonowero ñande oseseyañgurí, “Uni kato parí meté rotoweya ñuko hutuño mande wendaqeweyape ma kini?” yañgurí.

³Ñunde yi ñande osese yereró, “Mosesko^m sokomeko ñuno osese ñuro date nakayáñaró?” yaró.

⁴Yini ñande yañgurí, “Mosesko ñande nakayáñaró, ko unindo sokome ka epe re-re tonowero qu nakayáñoro pare inoro howi toneweya,”ⁿ yañgurí.

⁵Yiqo, Yesuko ñande yimiraró, “Yendo newondeye kusiyoyotenjo. Ñunde ñuroko mande kondé ñunde qu nakayáñaró. ⁶Komo suki Anutuko o soso towaró quno enendo ‘urumuni kaya, pare kaya yondowaró.’^o ⁷Ñunde ñuroko uni iwí-nimí yorotoro parímboya womowari, ⁸ko irisa ñundo kowe kanata tewari.’^p Asa Anutuko mande ñunde yini kowe irisa kama yorari. Kini. Irisa ñu kowe kanata tariyó. ⁹Ñunde ñuroko Anutuko o irisa siyoro kopo yiriníqo, ye ñu ma usowowero.”

¹⁰Tukú yano oro iño-iño rewero uni ñundo mandímboro murí ñuro oseseyañgurí. ¹¹Ñunde yi ñande yimiraró, “Uni kato eneño parí rotoro pare meyowo rete, ñuko se simbururu tete. ¹²Ko pare kato kamí rotoro uni meyowo reweya, ñuko se simbururu teyoweya.”

^l 10:2 “*Farisi uni* ” ñuko unindoro huru-huru ka Israel mirako ñuno yañgurí. Enendo Anutu koro *hutuño mande* ñuro okeyá ta howero uniparetoro tonjeyemo owéye parámi tañgurí.

^m 10:3 Komo suki “*Mosesko* ” uni parámi tero Israel unipare sopo yereró. Anutuko *Sainai* purímo *hutuño mande* inoní mande ñu rondaqe unipare yunaró. ⁿ 10:4 Hutuño Mande 24:1-4 ^o 10:6 Murí Tero 1:27 ^p 10:8 Murí Tero 2:24

Ye simó ta-ta qembe ti qembe
(*Matyu 19:13-15; Luk 18:15-17*)

¹³Asa unipareto simó ta-ta yorero Yesuko kandí kembayemo rewero quro eneno mahengurí. Quko iño-iño rewero uniyómbó^a yiyo yangurí. ¹⁴¶unde tiqo, Yesuko yiyoro sangirí tero ñande yaró, “Ye simó ta-ta tomó ta-ta ñu yorotika nono mahe, ma soré yerewero. Dokoro Anutuko unipareyó wiri yereyote naruyó^r ñuko simó ñunde quro na. ¹⁵Nondo ye hamó yimiroteno, uni kato simó qembe tero Anutuko unipareyó wiri yereyote naruyó ñuro kama metéñoweya tiníqo, ñundo naru ñuro quroko ñuno kama oweya.” ¹⁶¶unde yeroqo simó ta-ta ñu yondowo pisi yerero kandí kembayemo rero puriño re yunaró.

Onoño uni kato Yesu mande ka oseseyaró
(*Matyu 19:16-30; Luk 18:18-30*)

¹⁷Asa Yesu toñewero tiníqo, uni kato waka ta kheñgeño mahe potoruku re inoro ñande oseseyaró, “Rondaqe-rondaqe uni meté, no date tero yoto-yoto suki-suki ñu rewano?”

¹⁸Yiní ñande yaró, “Ke do karo, no meté, yero neko nerete? Anutu kanata ñu nanjeko meté. ¹⁹Mande kondé enesó-enesó^s ñu qene iñomukote: uni ma yuri khumowero, se simbururu ma tewero, momo ma tewero, mande khono ñuno kota mande ma yewero, uni ka kanáñoro situwiyó ma rewero, awa-nánje ará te yuno qembe.”^t

²⁰Yiní ñande yaró, “Rondaqe-rondaqe uni, nondo simó tomó ta quno hutuño mande soso ñu howeyate itaka uni parámi teteno,” yaró.

²¹Yiní kondé qenero newonde meté inoro ñande yaró, “O kanata ka yote. Keño situwi soso soweyoya mone ñu rondaqe uni oye moré kini ñu yuno. Ke ñunde teroqo, o meté samboko reweya. Asa ñunde teya ke mahe nohowe.”

²²Yiníqo, newonde surumí tero umu-kembé piyo tiní roto toñeró, dokoro, ene onoñojó qambu taró.

²³Asa toñiní Yesuko iño-iño rewero uniyó^u yiyoro ñande yimiraró, “Onoño unipare kato Anutuko unipareyó wiri yereyote naruyómo” ñuno owero ñuko taño kini, quhurí.”

^a **10:13** “iño-iño rewero uni ” ñundo Yesu koya uyaro iño-iño rondaqe yunoyaró.

^r **10:14** “Anutuko unipareyó wiri yereyote naruyómo ” ñuno iñondutu unipareko hamó Anutu kusunoyómo yowanjo. ^s **10:19** “mande kondé enesó-enesó” ñuko *hutuño mande* nanje, komo suki Anutuko *Sainai* purímo *Moses* inoní Israel unipare yunaró. Mande ñuko Juda uniparetoro yoto-yotoye soso sopoyaró. ^t **10:19** Toñengurí 20:12-16; Hutuño Mande 5:16-20

^u **10:23** “iño-iño rewero uni ” ñundo Yesu koya uyaro iño-iño rondaqe yunoyaró.

^v **10:23** “Anutuko unipareyó wiri yereyote naruyómo ” ñuno iñondutu unipareko hamó Anutu kusunoyómo yowanjo.

²⁴Ɔunde yiniqo, newondeye yukuwaró. Quko Yesuko pitu ko Ɔande yimiraró, “Simóne iƆi, naruyómo Ɔuno owero Ɔuko taƆo kini, quhurí. ²⁵Kamel kato tisi wituyówore uyarewero rukusuwoyote.” Ɔu hamó. Quko onoƆo uni kato Anutuko unipareyó wiri yereyote naruyómo Ɔuno owero quro parámi horé rukusuwoyoteƆo.”

²⁶Ɔunde yiniqo, kondé yukuworo epe mito-mito taƆgurí, “Ɔu hamó tiniqo, Ɔu danimboko rambaruru takaweya?”

²⁷Yiqo, kondé toƆetero Ɔande yaró, “Unindoko tewero mepémo kini. Quko Anutuko kama rukusuwoyote. Enendo o soso meté teweya.”

²⁸Ɔunde yini Pitako Ɔande yaró, “Qeno, norendo onani soso rotoro ke kohowatowó.”

²⁹Yini Ɔande yaró, “Nondo mande hamó yeteno. Uni kato no owéne iƆoro miti mande^x iƆoro yayó, kumuní, kuwí, iwí, nimí, simó, khoyó Ɔu rotoweya quko ³⁰itaka nange o qambu Ɔu siyoweya: ya, kumuní, kuwí, nimí, simó, khoyó siyoweya. Ɔuya unindo saƆgiri te inowaƆo. Quko naru maheweya qunoko yoto-yoto suki-suki reweya. ³¹Quko uni qambu itaka korete yoteƆo, Ɔuko tukú tewaƆo. Ko uni qambu itaka weƆa yoteƆo, Ɔuko koretewaƆo.”

Yesuko eneƆo khumoro otoqoweya Ɔuro pitu ko yimiraró

(Matyu 20:17-19; Luk 18:31-34)

³²Asa khewore Yerusalem yendémo oƆgurí. Oro Yesuko koretero oní iƆo- iƆo rewero uni newondeye yukuwaró, ko unipare yohowaƆurí qu sasaro taƆgurí. Asa Yesuko iƆo-iƆo rewero uni 12 Ɔu^y yorero o soso Yerusalem Ɔuno tunoqeweya Ɔuro naru kaƆuya yimiraró. ³³Yimitoro Ɔande yaró, “ƆƆoyi, itaka nore Yerusalem owé teteto. Ko unindo Unindoro NaƆuní^z Ɔu rero o qa-qa unindoro tapá uni kandeyemo ko hutuƆo mande Ɔuro iƆo- iƆo uni kandeyemo^a rotowaƆo. Ɔunde riqo, topé piyimi rero, uratoka khumoní, ye iƆoro uni wini meyowomboro kandeyemo re rotowaƆo. ³⁴Re rotoyi uni Ɔundo rero huwó mande yero tuteworo utómbó haususuworo uri khumoweya. Uroyi khumoníqo, naru kapusa kini tiniqo, pitu ko otoqoweya.”

Jems koya Jon koya owé parámi rewero kirayariyó

(Matyu 20:20-28)

³⁵Asa yerepasa Ɔu, Jems koya Jon koya, Sepeti simó irisa Ɔundo, mahero Yesu Ɔande kirayariyó, “Rondaqe-rondaqe uni, o karo ke kira kerewe tetero, quko keto nore o meté te nuno qembe.”

^w 10:25 “kamel” Ɔuko númbowe parámi ka, ko tuwi tiniyowero tisi wituyó Ɔuko tomó horé. ^x 10:29 “miti mande” Ɔuko Anutuko *Kristo* asáƆoní khumoro quhurínanimboro kimo tiní Anutu koya newonde kanata tewero Ɔuro mande meté mu nange. ^y 10:32 “iƆo- iƆo rewero uni 12” Ɔuko Yesu rokó yirini topé-topé horé tunoqangurí. ^z 10:33 “Unindoro NaƆuní” Ɔuko Yesu nange. ^a 10:33 Uni soso Ɔundo Juda koro huru-huru parámi ka, owí *Sanedrin*, taƆgurí. Enendo Juda unipare ronda yereyangaƆurí.

³⁶ Ɔunde yiri Ɔande yaró, “Do ka te yunowero tewe kira neretiri?”

³⁷ Yini mande topé Ɔande yariyó, “Ɔako. Keto owé parámi rero uni parámi horé tunoqeweya quno metémbe nore irisa Ɔuya uni parámi tunoqewaro. Asa keko korete qu, nore kato owé irisayó qu reweya ko kato owé kapusayó qu reweya.”

³⁸ Yiri Ɔande yaró, “Yariko kira Ɔuro kama iƆori tondaƆete. Nondo o quhurí ka rewano Ɔuko sono piyimi newano Ɔunde qembe. O quhurí Ɔu weyo nereweya. Yarimbeka o piyimi Ɔu newaripe, quhurí kusunƆoyómo yowaripe?”

³⁹ Yini mande topé Ɔande yariyó, “Kini, nore irisa meté Ɔundiro tewaro.”

Yiri Ɔande yaró, “Hamó, sono Ɔu newari. Ko quhurí Ɔundo weyo yereweya. ⁴⁰ Quko uni parámi tewari Ɔuko nondo yunowero mepémo kini. Anutuko nanƆe owé parámi irisa Ɔu uni kumi yunoweya.”

⁴¹ Asa iƆo-iƆo rewero uni kande irisa qundo yerepasa Ɔu Yesu kiraryiyó Ɔuro iƆoro eneya sanƆirí tanƆurí. ⁴² Ɔunde tiqo, Yesuko neko yirini mahiqo, Ɔande yaró, “Ye iƆoteƆgo, ko uni wini meyowomboro sopo-sopoyembo piyimi sopo yereyoteƆgo. Kowe uni parámiyembo eneƆombo owé parámi rewero quro iƆoyoteƆgo. ⁴³ Quko ye Ɔunde ma tewero. Kini, ye keweroye moƆgo uni kato uni parámi tewero ye iƆoyote tiniqo, sunará simó Ɔunde teweya. ⁴⁴ Ko uni kato owé parámi rewero ye iƆoyote tiniqo, uni soso koro kho simóye Ɔunde yoweya. ⁴⁵ Dokoro Unindoro NaƆuni^b Ɔundo unipareto eneƆo sunará tewero quro kama maheró. Kini, enendo unipareto sunará tewero maheró, ko yoto-yotoyó roto kimo yerewero^c quro maheró.”

Yesuko uni ka toƆí piyimi mu, owí Bar-Timeus, rini meté taró
(*Matyu 20:29-34; Luk 18:35-43*)

⁴⁶ Asa Yesu koya iƆo-iƆo rewero unindoya^d uyareyate Jeriko yendémo Ɔuno uyareƆurí. Asa Jeriko roto Yerusalem oro unipare qambu Ɔuya oyi uni ka toƆí kiré mu, owí Bar-Timeus, khe tapémo Ɔuno kunditero wondo koro unipare kira yereyara. (Owé Ɔu Bar-Timeus murí muko “Timeus naƆuni.”) ⁴⁷ Kunditeyoní unipareto Ɔande yanƆurí, “Yesu, Nasaret noƆgo uni Ɔu, mahete,” yi iƆoro kiwero Ɔande watí-watí nekoyaró, “Yesu, Dewit koro naƆuni,^e sikíne te nuno,” yeyaró.

^b **10:45** “Unindoro NaƆuni” Ɔuko Yesu nanƆe. ^c **10:45** “kimowero” Ɔuro murí muko Ɔandiro: unipareto o piyimi kusunƆoyómo kusiyowí yoteƆgo. Ɔundiro nanƆe Anutuko kimo tero yorini kina yowaƆgo. ^d **10:46** “iƆo-iƆo rewero uni” Ɔundo Yesu koya uyaro iƆo-iƆo rondaƆe yunoyaró. ^e **10:47** Komo suki “Dewitko” Juda unipare wiri yereró. Ɔu naruko Ɔuno Anutuko Dewit Ɔande miraró, imemoƆgo keƆo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso Ɔundo Dewit koro naƆuni sopanƆurí, ko uni Ɔuro sopanƆurí Ɔu, “Mesaiya,” ma, “Kriso,” ye nekoyanƆurí.

⁴⁸Unipare kutaqe ηundo qene yero ηande yaηguri, “ηunde roto!” yaηguri. Quko kondé watí-watí nekoru ηande yaró, “Dewit koro naηuni, sikíne te nuno.”

⁴⁹ηunde watí-watí yeyoní Yesuko iηoro kaηero ηande yimiraró, “Nekoyika mahiní.” Yiníqo, unipareto uni toní kiré ηu ηande miraηguri, “Newondeke kondé yoní, otoqo. Yesuko neko kerete.” ⁵⁰ηunde miroyi kowe punu-punu piru qu^f roroto otoqoro waka ta maheró.

⁵¹Mahiní Yesuko ηande oseseyaró, “Nondo do ka te kunowan?” Yiní mande topé ηande yaró, “Raponi,^g tojetero o qenewero ye iηoteno,” yaró.

⁵²Yesuko ηande miraró, “Meté u. Keηo iηondutukepo^h koriní meté tete.” Yiníqo, waka ta toní hiyóqini pitu ko tojetero Yesu khewore howaró.

Yesuko wiri yerete uni ηunde qembe Yerusalem ηuno oró

(*Matyu 21:1-11; Luk 19:28-40; Jon 12:12-19*)

11 ¹Asa yate-yate Yesuko Yerusalem owero oró. Oro mira purí Oliv ηuno, asa Betipake yendé ko Betani yendé kutaqemo ηuno, iηo-iηo rewero uni irisaⁱ neko yerero ²ηande yimiraró, “Yendé andusina ηuno uyareya dóki^j simó ka kusiyaηguri qu qenewari. Komo uni kato dókiko ηuno kama kunditaró. Asa utó orosoyero re mahiri. ³ηunde tiri uni kato ηuro osese yiriníqo, ηande mirori qembe, ‘Uni Parámimbo ηuya kho ka teweya. Ko imemonggo pitu ko re mahewaro.’”

⁴Yesuko ηunde yiníqo, yendémo uyaro dóki simó ηu ya kimbino mako sumeyoro kusiyaró mu qenero orosoyariyó. ⁵ηunde tiriqo, uni ηuno kaηaηguri qundo ηande osese yereηguri, “Do murí karo dóki simó ηu orosoyitiri?” ⁶Yiqo, iηo-iηo rewero uni irisa ηundo Yesuko mande yimiraró ηu yimirori kama soré yereηguri.

⁷Asa dóki simó ηu Yesuko re mahero tuwi piruyari se dóki saηano rero Yesu re ηuno rotori kunditaró. ⁸Unipare kumi tuwi piruye ηu wendaηero se khewore ri, kumi te kambiní kome soso qu rondaqero khewore raηguri. ⁹ηunde tero kumi koretero uyari, kumi tukú uyaro soso mande parámi ηande yaηguri,

“Anutu owí hokoyi!”

“Uni Parámimboro owímo mahete ηundo puriηo riní!”

^f 10:50 “kowe punu-punu piru” ηunde qu unipareto kowe punu-punuye meyowo weheηoyaηguri. ^g 10:51 “Raponi” ηuro murí muko ηandiro, “Rondaqe-rondaqe Uni.”

^h 10:52 “*ijondutu*” ηuko ηandiro, asa unipareto ηande kondé ye iηoyotenggo, ko Anutuko meté sopo yereweya. ⁱ 11:1 “*iηo-iηo rewero uni*” ηundo Yesu koya uyaro iηo-iηo rondaqe yunoyaró. ^j 11:2 “dóki” ηuko númbowe parámi ta, *hosí* ηunde qembe uni kato meté saηano kunditini uyareweya.

¹⁰ “Usinani Dewit^k ηuro sowe qundo nore wiri nereweya. Anutuko naru ηu puriηo te inoyote!”

“Anutu owí koreko horé hokoyi!”

¹¹ ηundiro Yesuko Yerusalem oro Anutu koro Ya Surumíboro^l yendémo ηuno oro o soso ηuno toηetero qeneró. Qeniní suwo tiníqo, roto toηero iηo-iηo rewero uni khe sanjyoro irisa ηuya Betani uηgurí.

Yesuko takuni ka yiní te fik ka saηano yora

(*Matyu 21:18-19*)

¹² Asa ita saraηoní, Betani rotoro arero o qímboro khumaró.

¹³ Khumoro kewá fik ka komiri taró qu sewemo qenero, taηgurí moré peka, yero uyaró. Quko kutaqe uyare qeniní taηgurí ka ηuno kama yora, komiri naηge. Dokoro naru ηuko taηgurí rewero naruyó kini. ¹⁴ Asa qenero kewá ηu ηande miraró, “Imemoηgo uni kato ke taηguríηge kama neweya,” yiní iηo-iηo rewero uniyómbom^m iηaηgurí.

Yesuko kimo rewero uni Ya Surumí moηgo yohowaró

(*Matyu 21:12-17; Luk 19:45-48; Jon 2:13-22*)

¹⁵ Asa Yerusalem ηuno oro Ya Surumíboroⁿ ηuro hoηgo quroko oro uni soso mone rewero kho teyaηgo ηuno qu^o yohowaró. Yohowero uni moneye rohoréηoyanηo ηuro wasa-wasaye koya uni nú soweyanηo ηuro yakutiye soso se windoroηaró. ¹⁶ ηuya uni kumimbo oka kina re koroworo Anutu koro Ya Surumíboro yendémo ηuno uyarewero quro soré yereró. ¹⁷ ηunde tero unipare soso ηande yimiraró, “Sokomeko ηuno ηande nakayáηaró, ‘Neneηo yane muko hariri koro ya qu.’^p Quko yendo ri ‘kuma tero momo teyoteηgo unindoro ya qu teyote.’”^q

¹⁸ Unipare qambu ηundo mandí iηoro kondé yukuwaηgurí. ηunde ηuroko o qa-qa unindoro tapá unindoya hutuηo mande ηuro iηo-iηo unindoya sasaro tero uri khumowero khe qu seqayaηgurí. ¹⁹ Asa suwo tiníqo, Yesu yendé roto toηeró.

^k **11:10** Komo suki “*Dewitko*” Juda unipare wiri yereró. ηu naruko ηuno Anutuko Dewit ηande miraró, imemoηgo keηo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). ^l **11:11** “*Ya Surumí*” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaηgurí. ^m **11:14** “*iηo-iηo rewero uni*” ηundo Yesu koya uyaro iηo-iηo rondaqe yunoyaró. ⁿ **11:15** “*Ya Surumí*” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaηgurí. Hoηgo ka yendé parámi ta wuririyoro *Ya Surumí* keweroko ηuno yora. ^o **11:15** ηu naruko ηuno Juda uni mira kapiya moηgo *Ya Surumí* ηuno mahero yambo hariri tero o qa-qa teyaηgurí. Asa ko mone rewero uni kumi mira meyowomboro moneye ηu rohoréηoro Judia mira koro moneye teyaηgurí, ko kumi nú-qare o qa-qa tewero quro soweyanηgurí. ^p **11:17** Aisaia 56:7 ^q **11:17** Jeremaia 7:11

Kewá takuni sajanímo raró ñu qeneñgurí
(*Matyu 21:20-22*)

²⁰Ita sarañoní Yerusalem khewore uyareyate kewá fik' ñu qeneñgurí. Ko kewá ñuko piyo tero asáqemukaró. ²¹Qenero Pitako ñande miraró, “Rapi, keto kewá fik takuni sajanímo suwono ya, ñuko asáqete.”

²²Yini mande topé ñande yaró, “Ñuro Anutu ñjondutuwoyi qembe. ²³Nondo hamó ye yimiroteno, uni kato mira purí ña, ‘Otoqo windi quuroko u,’ ñunde yeweya, quko newonde irisa kama tero ñjoní hamó tiníqo, ñundiro tunoqeweya. ²⁴Ñunde ñuroko yendo, hariri tero oka rewato, yero ñjoro o ñu rewañgo. ²⁵Ko kañero hariri tewañgo quuno ñuno uni karo newonde sañgírí ñu rotoya eneño quhuriye roto yunoyi qembe. Ñunde tiqo, awaye samboko yote ñundo, yeño quhuriye ñu se rotoweya.” ²⁶(-)^s

Yesuko danimboro wimbímboro o soso ñu teyara?
(*Matyu 21:23-27; Luk 20:1-8*)

²⁷Asa Yesu Yerusalem oro Ya Surumímboro^t hoñgo quroyómo kinañge uyaró. Uyaríní o qa-qa unindoro tapá unindoya hutuño mande ñuro ñjo-ñjo unindoya uni kembé-kembéyemboya^u kopó mahero ²⁸ñande oseseyañgurí, “Do owé ka moré o soso ña mepémo teyote? Danimbo owé ñu re kunaró?”

²⁹Ñunde yi ñande yaró, “Nondo o karo osese yerewe teteno. Osese ñuro mande topé yiqota do owé ka moré o soso ña mepémo teyoteno ñuro yimirowano. ³⁰Jonko unipare sono re yunaró. Asa eneño kho qu tewero ñuro owé ñu, sambo koñgo rarómbe ma uni noñgo raró? Ye do ka yeteñgo?”

³¹Ñunde yini keweroyemo epe mito-mito ñande tañgurí, “Ko norendo, ‘Ñuko sambo koro qu,’ yewato tiníqo, ñande osese nereweya, ‘Asa ye date koro mandí ñjoro ñjondutu’ kama tañgurí?’ yeweya. ³²Quko, ‘Owí ñu uni kato inaró,’ yewero mepémo kini,” yañgurí. (Unipare qambu ñundo Jon ñuro ñande yañgo, “Uni ñuko ye-ye uni^w hamó qu ka.” Ñunde ñuroko uni pará-parámbo Jon yesaráñowero sasaro tañgurí.)

^r 11:20 “te fik” ñuro Mak 11:12-14 ameno weyo qembe. ^s 11:26 ñjo-ñjo uni kumimbo, wini 26 ñuya yote, ñunde ye ñjoyotenggo. Wini ñuko ñande yete, “Quko keto uni karo newonde sañgírí kama roto tiqo, awañge samboko yorote ñundo keño quhuriñge kama se rotoweya.” Ko kumimboko ñande ye ñjoyotenggo, ko Makiko mande ñu kama nakayáñaró, tukú uni kato nakayáñaró. ^t 11:27 “Ya Surumí” ñuko Anutu koro ya qu, ñunoko Juda unipareto Anutu koya huruwowero quro hu-hariri teyañgurí. ^u 11:27 Uni soso ñundo Juda koro huru-huru parámi ka, owí *Sanedrin*, tañgurí. Enendo Juda unipare ronda yereyañgurí. ^v 11:31 Ñu ñjondutu ñuko ñandiro, asa unipareto mande ka ñjoro, ñu hamó, ye ñjoro howewañgo. ^w 11:32 “ye-ye uni” ñuko Anutuko mandí yunoní unipare yunañgurí.

³³Asa ko mande topé ñande yangguri, “Nore kama injoteto.”

Yiqo, ñande yimiraró, “Asa ko no ñuya da nonjo owé ña rero o soso teyoteno ñuro ye kama yimirowano.”

Kho unindo wain koro kho ka sopoyangguri ñuro tapara mande qu
(*Matyu 21:33-46; Luk 20:9-19*)

12 ¹Asa Yesuko tapara mande^x ka ñande yimiraró, “Naru kano uni kato wain kho ka tero honjo rero wuririyoro ñu quroko ñuno wain enjémboro sonoyó rewero quro meré parámi ka sero rotoro ya piru kho gene sopoyowero qu ka towaró. Ñu soso toworo kho ñu rero kho sopo-sopo uni kumi kandeyemo rotoro^y mira kapiyamo ñuno tojeró. ²Yate-yate kho simburí ñundo enjé kumi siyowero quro sunará simó ka ñuno asáñoní uyareró. ³Ñuno uyariní sopo-sopo uni ñundo haususuwo howi kina tojeró. ⁴Imemonjo simburímbo sunará simó kañuya asáñoní uyariní utoro kembé usoworo o piyimi horé te inangguri. ⁵Ñunde tero meyowo ñuya asáñoní uyariní kho sopo-sopo ñundo simó ñu haususuwoyi khumaró. Qambu asá yiriní uyariqota kumi urangguri, kumi wonja yuroyi khumangguri.

⁶“Asa simburímbo nañuní surumí ñjoyara qu yora. Iwímbo ñande yaró, ‘Kho sopo-sopo ñundo nañone ñu ará te inowanjo.’ Ñunde yero naru weña quño nañuní asáñoní ñuno uyareró.

⁷Quko kho sopo-sopo ñundo simó ñu qenero keweroyemo ñande yangguri, ‘Simó ñundo iwímbo o soso ñako imemonjo siyoweya. Uratoka khumoníka o ña soso norendo siyowato.’ ⁸Ñunde yero simó ñu rero uroyi khumoní re honjo sumeyoro ranangguri.”

⁹Yesuko ñande osese yereró, “Inji, kho simburí ñundo do ka teweya? Ñandiro nanje, ene uyaro sopo-sopo uni ñu rambaruru yerero wain koro kho ñu uni meyowo yunoweya. ¹⁰Yendo mande sokomeko ñuno nakayáñaró ñu qenengurímbe ma kini? Mande ñuko ñandiro:

“Ya re-re unindo wondo ka rero piyimi, yero ñoro re rotangguri,
quko itakako wondo ñundo ya soso riní kondérewero wondo ka
tunoqete.

¹¹Uni Parámi enenombo o ñu riní ñunde tunoqiní
qenero ninju-ninju parámi teteto.”

¹²Yesuko ñunde yiniqo, uni pará-parámbo ñoro, enendo nore yesará nereyote, yero inomukangguri. Ñunde ñuroko sangirí tero urowero khe ka seqangguri. Quko unipare qambu ñuro sasaro tangguri. Asa ko ene roto tojenguri.

^x 12:1 “*tapara mande*” ñuko sowo mande nanje. Yesuko sowo mande ñunde qu yero oka wítú yereró. ^y 12:1 Kho simburímbo ñande ye inaró, ko uni ñundo kho sopo enjé kumi simburí inoro kumi towowanjo.

Juda unipareto Sisa takis inowero njuro yaró

(Matyu 22:15-22; Luk 20:20-26)

¹³Asa uni pará-parámbo, Yesu mande piyimi yini towowato, ye iñoro Farisi^z kumimboya Herot koro topé kumimboya^a asá yiri mahengurí.

¹⁴Mahero ñande oseseyangurí, “Rondaqe-rondaqe uni, nore ñande iñoyoteto, ko keto uni karo owé morémbe ma kini njuro kama iñoyote. Kini, Anutu koro kheyó hamó moñgo nañge rondaqe yunoyote. Ñunde njuroko yeka iñowato. Norendo Sisa^b takis re inowato njuko hutuño mande wendaqeyotepe ma kini?”

¹⁵Ñunde yiño, Yesuko eneño mañgoye irisawore yewero murí ñu qene iñoro mande topé ñande yaró, “Ye date towo neretengo? Denarius^c ka re mahika qenewe.” ¹⁶Ñunde yiniño, ñu re mahi ñande osese yereró, “Wondo musiyó ñano kapo-kapo ñaya owí ñako daniro qu?”

Yiniño, “Sisa koro qu,” yangurí.

¹⁷Ko Yesuko ñande yimiraró, “O kumi Sisa koro qu, ñu Sisa se inoyi qembe. Ko o kumi Anutu koro qu, ñu Anutu se inoyi qembe.”

Ñunde yiniño, iñoro ene newondeye yukuwaró.

Sadyusi unindo Yesu towonowero osese tangurí

(Matyu 22:23-33; Luk 20:27-40)

¹⁸Asa Sadyusi uni^d kumi mahengurí. Uni ñundo ñande yeyangurí, ko unipare khumangurí qundo pitu ko kama otoqowaño. Asa mahero Yesu ñande oseseyangurí, ¹⁹“Rondaqe-rondaqe uni, komo Mosesko^e noreño mande ñande nakayáñaró, ‘Uni kato pare rero simó moré kini yate khumoníño, eneño koneyómbo pare ñu riní simó pisiyoníqota payómboro sowe qu tunoqini.’^f ²⁰Asa iño. Naru kano uni kato naño-simó kande sañiyoro irisa pisi yereró. Simó korete ñundo pare rero, yate-yate simóyari moré kini tero khumaró. ²¹Khumoní simó irisayó ñundo payómboro parí qu raró. Quko ene ñuya simó moré kini khumaró. Khumoní simó kapusayó ñuya ñunde nañge taró. ²²Ñundiro nañge

^z 12:13 “*Farisi uni*” njuko unindoro huru-huru ka Israel mirako ñuno yangurí. Enendo Anutu koro *hutuño mande* njuro okeyá ta howero uniparetoro toñeyemo owéye parámi tangurí. ^a 12:13 “*Herot*,” owí kako “Antipas,” ñundo Galili mira sopo yereró. ^b 12:14 “*Sisa*” njuko Rom koro wiri yerete uni parámi ñu. Rom unindo mirane-mirane wini soso sopo yerere ene moñgo takis siyangurí. Juda uni kumimbo takis njuro hamó piyimiño yangurí, dokoro Sisa kasirayómo yowero njuro piyimiño yangurí.

^c 12:15 “*denarius*” njuko Rom koro wondo musiyó ka, asa Rom koro takis tewero wondo qu. ^d 12:18 “*Sadyusi uni*” njuko unindoro huru-huru ka Israel mirako ñuno yangurí. Eneko wondo uni kumi owéye parámi tero unipare soso sopo yereyangurí. ^e 12:19 Komo suki “*Mosesko*” uni parámi tero Israel unipare sopo yereró. Anutuko *Sainai* purímo *hutuño mande* inoní mande ñu rondaqe unipare yunaró. ^f 12:19 Hutuño Mande 25:5-6

simó kande sanjiyoro irisa ŋu soso pare ŋu rero simóye moré kini tero khumoyiqo, imemonŋo pare ŋuya khumaró. ²³Asa yeka inŋowato, unipare khumaŋguri qundo pitu ko otoqowaŋgo quro naruyómo ŋuno, pare ŋu, danimboro yoweya? Dokoro uni kande sanjiyoro irisa qundo pare kanata ŋu raŋguri.”

²⁴Ŋunde yiqo, Yesuko ŋande yimiraró, “Yendo mande sokomeko ŋuno nakayáŋguri ŋuya Anutu koro wimbí ŋuya kama inŋoyi tondaŋete. Ŋunde ŋuroko ye mande koroqe yeteŋgo. ²⁵Unipare khumaŋguri qundo uni tapu koŋgo pitu ko otoqowaŋgo quro ŋuno epe re-re kama tewaŋgo. Kini, eneko sambo simó^g ŋunde qembe yowaŋgo. ²⁶Quko unipare khumaŋguri qundo pitu ko otoqowaŋgo quro yeweka inŋoyi. Moses koro sokomeko ŋuno ŋande yaró, ko enepa naŋge te kunzi qayara quro ŋuno kaŋiní Anutuko te suru qayara ŋu noŋgo ŋande miraró, ‘Nondo Abraham koro Anutuyó, Aisak koro Anutuyó, Yakop koro Anutuyó.’ ²⁷Asa qeni, Anutu ŋuko uni kindo khumaŋguri ŋuro Anutuye kini. Uni yoto-yotoye moré ŋuro Anutuye.”^h Yendo mande koroqe qu yeteŋgo.

Hutuŋo mande parámi karo yaró
(*Matyu 22:34-40; Luk 10:25-28*)

²⁸Asa Yesu koya Sadyusi unindoya epe mito-mito teyoyiqo, hutuŋo mande ŋuro inŋo-inŋo uniⁱ kato inŋaró. Inŋoro Yesu koro mande topé ŋuro niŋgu-niŋgu tero ŋande oseseyaró, “Mande kondé enesó-enesó^j ŋuro osese kereteno. Mande kondé kato mande kondé enesó-enesó ŋu taka yereyotepe ma kini?”

²⁹Yini Yesuko mande topé ŋande yaró, “Iyo, ŋako. ‘Ye Israel inŋi, Uni Parámi, Anutunani ŋuko kanata na, enesó kama yote. ³⁰Keto Uni Parámi ŋu, Anutuke, newondekepo, yuqakepo, inŋo-inŋokepo, wimbukepo hamó surumí inŋo inoyoto qembe.’^k ³¹Asa mande kondé irisayó ŋuko ŋandiro: ‘Keŋomoro inŋoyote ŋunde naŋge topokeporo ŋunde na inŋoyoto.’^l Mande kondé irisa ŋundo mande kondé enesó-enesó taka yerete.”

³²Yini ŋande yaró, “Rondaqe-rondaqe uni, hamó yete. Anutu ŋuko kanata na, enesó kama yote. ³³Kowe uni kato newondí, inŋo-inŋoyó, wimbí soso Anutu inoyote tiniqo, ŋu meté horé. Kowe eneŋomoro inŋoyote ŋunde naŋge topémboro inŋoyote ŋu meté horé. Hutuŋo mande irisa ŋundo o meté horé mu, ŋuko o qa-qa qamukaŋguri quya oka te inaŋguri ŋuya soso taka yerete.”

^g 12:25 “*sambo simó*” ŋuko komo suki-suki Anutuko unipare kama yoriní tunoqi sambo simó yondowoní sunará teyotengo. ^h 12:27 ⁱ 12:28 “*hutuŋo mande ŋuro inŋo-inŋo uni*” ŋundo Anutu koro mande ŋu unipare rondaqe yunoyaŋguri. ^j 12:28 “mande kondé enesó-enesó” ŋuko *hutuŋo mande* naŋge, komo suki Anutuko *Sainai* purímo *Moses* inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^k 12:30 Hutuŋo Mande 6:4,5 ^l 12:31 O Qa-qa Uni 19:18

³⁴Ŋunde yini Yesuko uni ŋuro iŋoní tondaŋini mande topé meté mu yini ŋande miraró, “Keto Anutuko unipareyó wiri yereyote naruyómo^m waka ta owero tete.” Ŋunde yiniŋo, uni meyowo wimbuye umbuní osese ka kama taŋguri.

Kristo ŋuko Dewit koro naŋunímbe ma kini?

(*Matyu 22:41-46; Luk 20:41-44*)

³⁵Asa Yesuko Ya Surumímboroⁿ hoŋgo quroyómo ŋuno mande rondaŋe unipare yunoro ŋande yaró, “Do murí karo hutuŋo mande ŋuro iŋo-iŋo uni ŋundo^o ŋande yeyoteŋgo, ‘Kristo ŋuko Dewit koro naŋuní,’^p ŋunde yeyoteŋgo? ³⁶Dewit eneŋombo Yuqa Surumíwore ŋande yete,

“Uni Parámi ŋundo uni parámíne ŋu ŋande miraró,

“Kandene kondésina kunditeka

nondo saŋgiríŋge soso yorewe

keŋo kusuŋokemo yowaŋgo.”

³⁷Dewitko uni ŋuro ‘Uni parámíne,’ ŋunde yaró. Asa date tero uni ŋuko Dewit koro naŋuní?”

Yesu ŋunde yiniŋo, unipare qambu kutaŋe yaŋguri qundo iŋoro niŋguniŋu taŋguri.

³⁸Asa Yesuko mande rondaŋe yunoro ŋande yaró, “Hutuŋo mande ŋuro iŋo-iŋo unindoro murí piyimiye ma howewero. Uni ŋundo owéye hokowero iŋoyoteŋgo. Asa ko tuwiye sara-sara piru saŋga qu punuworo maketino uyare mahe teyoteŋgo, ko enendo unipareto eneya naru meté yewaŋgo ŋuro hamó iŋoyoteŋgo.

³⁹Ko huru-huru yano^q kundite-kundite korete quno ŋuno kunditeyoteŋgo. Ko o ne-ne tero yakutí metémo kunditeyoteŋgo.

⁴⁰Ko wapu koro ya qu siyoteŋgo. Ko owé rewero quro hariri piru saŋga teyoteŋgo. Imemoŋgo o soso ŋuro topé piyimi rewawaŋgo.”

^m 12:34 “Anutuko unipareyó wiri yereyote naruyómo ” ŋuno iŋondutu unipareko hamó Anutu kusuyoyómo yowaŋgo. ⁿ 12:35 “Ya Surumí ” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyaŋguri. ^o 12:35 “*hutuŋo mande ŋuro iŋo-iŋo uni* ” ŋundo Anutu koro mande ŋu unipare rondaŋe yunoyaŋguri. ^p 12:35 Komo suki “*Dewitko* ” Juda unipare wiri yereró. Ŋu naruko ŋuno Anutuko Dewit ŋande miraró, imemoŋgo keŋo sowe qu ka mahero naru suki-suki unipare wiri yereyote yaró (2 Samuel 7:11-16 weyo qembe). Asa yate Juda unipare soso ŋundo Dewit koro naŋuní sopawaŋguri, ko uni ŋuro sopawaŋguri ŋu, “*Mesaiya* ,” ma, “*Kristo* ,” ye nekoyaŋguri. ^q 12:39 “*huru-huru ya* ” ŋuko Juda unipareto ya parámi mu. *Sapat naruko* ŋuno hu-hariri tero Anutu koro mandí weyoyi iŋoro hariri teyaŋguri.

Wapu kato wondo Anutu te inaró
(Luk 21:1-4)

⁴¹Asa Anutu koro Ya Surumímo^r ñuno sosoko toñomboroñowí ka yaró. Unipare qambu qundo Anutu te inowero quuro mone se mahero ñuno ranğurí. Asa Yesuko kutaqe ñuno kunditero unipare qambu ñundo mone ñu ranğoyi uní yiyoyaró. Yiyoní ononjo uni qambu wondo parámi reyango. ⁴²Ko wapu ononjoýó moré kini qu kato mahero wondo musiyó tomó ta irisa ñuno se raró.

⁴³Yesuko ñu qenero iño-iño rewero uniyó^s neko yerero ñande yimiraró, “No hamó horé yimiroteno, oka wapu ononjoýó moré kini ñundo te inote ñundo uni meyowo ñu taka yerete. ⁴⁴Dokoro meyowo ñundo oye parámi monjo mone ranjotenggo. Quko wapu ñuko oyó parámi kini qundo oyó soso ñuno ranjote.”

Yesuko naru weja quro rokó ñuro yaró
(Matyu 24:1-14; Luk 5–19)

13 ¹Asa Yesu Ya Surumímboro^t honjo ñu roto toñiní eneño iño-iño rewero uni kato^u rohoréñoro Ya Surumí qenero ñande yaró, “Rondaqe-rondaqe uní, qeno, wondo pará-parámbo Ya Surumí towanğurí muko parámi horé, ko Ya Surumímboro pase tomó-tomó ñu kekere horé.”

²Yiní Yesuko ñande yaró, “Ya pará-pará soso ñumbe yiyote? Imemonjo wondo itaka epe saña-saña rero towanğurí mu soso ranji umukoweya.”

³Ñunde yero andusina toñero mira purí Oliv ñuno kunditero Ya Surumí ñu qeneñğurí. Qenero Pita, Jems, Jon, Andru mahero mondó ta mande ñuro murí iñowero oseseyanğurí. ⁴Ñande yanğurí, “Do naruko tunoqeweya? Ko tunoqewe tete ñuro do rokó ka teweya?”

⁵Ñunde yi Yesuko ñande yimiraró, “Ye kondé toñeteyuri. Kota uni kato mahero ye kaná yereweya koro. ⁶Imemonjo uni qambu mahero owéne nekoró ñande yewango, ‘Uni maheweya ñuko no nanje!’ yero unipare qambu kaná yerewango. ⁷Yeko kuma parámi teyotenggo ñuro piña mande iñowango, ko kuma parámi tunoqeweya ñuro piña mande iñowango. Asa ye kondé toñeteyuri qembe. Ma yukuwowero. O soso ñuko hamó maheweya, takawero mepémo kini. Quko naru maheweya ñuko naru weja qu kini. ⁸Uni wini kato asa uni wini enesó-enesó kaya kuma

^r 12:41 “Ya Surumí ” ñuko Anutu koro ya qu, ñunoko Juda unipareto Anutu koya huruwowero quro hu-hariri teyanğurí. ^s 12:43 “iño-iño rewero uni ” ñundo Yesu koya uyaro iño-iño rondaqe yunoyaró. ^t 13:1 “Ya Surumí ” ñuko Anutu koro ya qu, ñunoko Juda unipareto Anutu koya huruwowero quro hu-hariri teyanğurí. ^u 13:1 “iño-iño rewero uni ” ñundo Yesu koya uyaro iño-iño rondaqe yunoyaró.

ri otoqoweya. Asa wiri yerete unindoro kuma uni qundo otoqoro wiri yerete uni enesó-enesómboro kuma uni quya kuma tewango. Mirane-mirane kunduru rañoníqo, korare parámi tunoqeweya. Quko o soso tunoqeweya ñuko pareto simó pisiyowero tete ñuro kowe surumí ñunde qembe.

⁹“Ye qene ñoyi qembe. Unindo yorero mande kho yunoro huru-huru yano” haususu yerewango. Yeko owéne towoyotenggo, ñu murí ñuro uni ñundo yorero wiri yerete uni parámi toñeyemo ko uni kembé-kembé toñeyemo yoroti kañero mande meté yimirowango. ¹⁰Quko yendo koretero miti mande” uni wini soso keweroyemo yesowoyi ñowango. ¹¹Asa uni kumimbo ye yorero ronda yiriqo, ye do ka yewato ñuro ñañawí ma tewero. Dokoro ñu naruko ñuno Yuqa Surumímbo mande yewero qu ye yunoweya.

¹²“Ñu naruko ñuno payómbó koneyó mande piyimi ye inoníqo, uroyi khumoweya. Kowe iwímbo simómboya ñunde nañge teweya. Kowe simómbo iwí-nimímboya ñunde nañge ti khumowari. ¹³Ko uni wini soso ñundo yeño kondé piyimiño yunowango, dokoro yendo neneño owéne nekoyotenggo. Quko dani kato kondé kañeyate rambaruru takaweya.

Imemonggo o piyimi horé mu tunoqeweya

(Matyu 24:15-28; Luk 21:20-24)

¹⁴“Imemonggo ‘o piyimi horé ka’ tunoqiní qenewango. O piyimi horé ñu yendé meté horé muno ñuno yoweya.^x (Ye sokome ña weyotenggo qu, weyo ñjika tondañiní.) Ñu naruko ñuno ye soso Judia mirako ñuno yotenggo tiníqo, roto sorero mira purímo oyi qembe. ¹⁵Uni ka ya umómo^y yoweya quko oyó siyowero quro ya quroko ma uwero. ¹⁶Ko uni ka khono yote tiníqo, tuwi ka tapémo rota ñu ñuya ma rewero. ¹⁷Ñu naruko ñuno ye pare qahu tete, ko simó susu yunoyotenggo qu, ininiyaqe, quhurí piyimi korowowango.

¹⁸“Yeko ñande hariri ti qembe, asa naru piyimi ñuko seno kutiti naruyómo ñuno kama tunoqeweya. ¹⁹Dokoro ñu naruko ñuno o quhurí parámi horé qu tunoqeweya. Hamó, Anutuko noko towaró ñu noñgo yate arero naru ñanoko, o quhurí ka ñunde qu komo kama tunoqaró. Kowe imemonggo o quhurí ka ñunde qu pitu ko kama tunoqeweya. ²⁰Quko Anutuko unipareyó rokó yereró ñuro ñoro naru ñu riní tukuni teweya. Ñunde kama teweya tiníqo, unipare soso khumowango.

^v 13:9 “huru-huru ya ” ñuko Juda uniparetoro ya parámi mu. *Sapat naruko* ñuno hu-hariri tero Anutu koro mandí weyoyi ñoro hariri teyangurí. ^w 13:10 “miti mande ” ñuko Anutuko *Kristo* asáñoní khumoro quhurínanimboró kimo tiní Anutu koya newonde kanata tewero ñuro mande meté mu nañge. ^x 13:14 Daniel 9:27; 11:31; 12:11 weyo qembe. ^y 13:15 Ñu naruko ñuno “ya umó” soso ñuko suruño kini, papare nañge, ko unipare meté owero kunditeyanggo.

21 “Ŋu naruko ŋuno nanġe, ko uni kato yeya ŋande yeweya, ‘Qeni, Kristo^z ŋuko ŋana!’ yeweyape ‘Qeni, andu yote anduqe,’ yewaŋgo ŋuro iŋondutu ma tewero. 22 Dokoro, Kristo kota-kota koya ye-ye uni kota-kota koya mahero Anutuko unipare rokó yereró ŋu kaná yerewero o parámi wimbí moré qu tewawgo. 23 Quko ye toŋete sopoyuri qembe. Itaka nanġe o soso ŋuro rondaqe yunoteno.

Unindoro Nanġuní ŋundo pitu ko maheweya
(*Matyu 24:29-35; Luk 21:25-33*)

24 “Quko ŋu naruko ŋuno, asa naru piyimi ŋu kini tiníqo,

“kosa ŋuko huriri tiní
kombo ŋuko kama hiyóqiní

25 tutu soso ŋuko sambo koŋgo umbuyi
o soso wimbí moré mu samboko yote qu yukuwowaŋgo.’

26 “Ŋu naruko ŋuno Unindoro Nanġuní^a koporé kewerowore wimbí parámi horé tero sine parámimo mahiní unipare soso qenewaŋgo.

27 Mahero sambo simó^b asá yiriní toŋero unipare rokó yereró qu soso ta roŋgopo yerewaŋgo. Sambo simó ŋundo mira kawore-kawore noŋgo roŋgopo yereyate uro mira weŋawore qu yore mahemukowaŋgo.

28 “Yeŋombo nanġe kewá fik ŋu qenero iŋondutu rero qeni qembe. Naru kano kambinímbo sono woso remukoní komiri keta qu woti qeneroqo, yeŋombo, kosa naru meté tewe tete, ye iŋowaŋgo. 29 Ŋundiro nanġe o soso yeteno ŋako tunoqiníqo, ŋande iŋowaŋgo, Unindoro Nanġuní ŋuko woso kutaqemo mahete, mako rorowo ŋano kaŋete, ye iŋi qembe. 30 Nondo hamó horé ye yimiroteno, unipare itaka yoroteŋgo quko toŋeye watí yoníqo, o soso ŋa tunoqeweya. 31 Sambo koya noko koya kini tewari, quko mande yeteno ŋako kama kini teweya.

Do naru kano Yesuko maheweya ŋuro uni kato kama iŋoteŋgo
(*Matyu 24:36-44*)

32 “Uni kato o ŋu tunoqeweya naruyó ŋu kama iŋote. Hamó, sambo simó^c ŋuya Nanġuní^d ŋuya kama iŋoteŋgo. Iwímbo^e enesó nanġe naruyó ŋu iŋote.

33 “Ye toŋete sopoyuri qembe. Ye naru ŋuro kama iŋoteŋgo. 34 Qeni, uni parámi kato, yendé roto toŋewano, ye iŋoro sunará simóŋo kho yunoní

^z 13:21 “Kristo ” ŋuko Anutuko rokóŋoní maheweya ŋu. ^a 13:26 “Unindoro Nanġuní ” ŋuko Yesu nanġe. ^b 13:27 “sambo simó ” ŋuko komo suki-suki Anutuko unipare kama yoriní tunoqi sambo simó yondowaró. Ko itaka enejo sunará teyoteŋgo. ^c 13:32 “sambo simó ” ŋuko komo suki-suki Anutuko unipare kama yoriní tunoqi sambo simó yondowoní sunará teyoteŋgo. ^d 13:32 “Nanġuní” ŋuko *Anutu koro Nanġuní*, asa Yesu nanġe. ^e 13:32 “Iwí” ŋuko Anutu nanġe.

ya sopoyotenjo. Tonjini sunará simó kato makono kanjero uni parámi rohoréño maheweya juro tojetero sopoyote.

³⁵ “Ye njuya tojete sopoyuri qembe. Uni Parámi rohoréño maheweya naruyó ñu ye kama injotenjo. Ita suwo tinímbe ma suwo kewerokope ma kotori yeyonímbe ma ita sarañoní maheweya. ³⁶Ene maheweya quno ye eteyotenjo tiníqo, ye piyo tewango. ³⁷Mande ña ye yimitoro unipare soso yimiroteno, “Tojete sopoyuri qembe.”

Uni pará-parámbo Yesu urowero khe ka seqangurí

(*Matyu 26:1-5; Luk 22:1-2; Jon 11:45-53*)

14 ¹Ñu naruko ñuno o ne-ne naru irisa-irisa, owéyari muko Taka yereró, Bret Yisiyó Moré Kini, ñuko wambaka tunoqariyó.^f Naru ñu yañini nange tero o qa-qa unindoro tapá unindoya hutuño mande juro injo-injo unindoya^g Yesu towo uroyi khumowero quoro kota-kota kheyó ñu seqangurí. Quko tunomo urowero mepémo kini. ²Ene ñande epe mito-mito tangurí, “Norendo o ne-ne naruko ñuno unipare tojeyemo towowato tiníqo, sañgirí tero kuma tewango.”

Pare kato Yesu kembémo sono ka hausuwaró

(*Matyu 26:6-13; Jon 12:1-8*)

³Asa Yesuko Betani yendémo kowí piyimi khumo uni ka, owí muko Saimon koro yayómo ñuno o naró. O niní pare ka mahero noko kumbe tomó ta ka rero rondañe sono risá nuñgurí meté mu Yesu kembémo hausuwaró. Sono ñu owí “nart,” juro kimoyó parámi horé.

⁴Asa ñunde tiní uni kumimbo ñuno kunditero sañgirí tero ñande yañgurí, “Dokoro ñunde tiní sono risá nuñgurí meté ñu kinange kini tete? ⁵Sono ñu soweyoroqo denarius 300^h siyoro uni onojoye moré kini qu meté se yunowato.” Ñunde yero mande sañgirí pare ñu mirañgurí.

⁶Ñunde yiqo, Yesuko ñande yaró, “Ñunde roti. Date koro pare ña quhurí inotenjo? Enendo o meté nunote. ⁷Naru rokóñoro uni onojoye moré kini ñuko yeya yowango. Ko naru rokóño meté samaka yerewango. Quko no yeya naru piru kama yowano. ⁸Pare ñando oka meté horé mu nunote. Imemoñgo tapu nerewango. Asa ko enendo koretero kowene roñgaruwote. ⁹Hamó ye yimiroteno, unindo mira soso ñuno miti mandeⁱ

^f **14:1** O ne-ne naru irisa-irisa ñu naru kanata quno hurí tariyó. Taka yereró quoro o ne-ne ñu kosa naru kanata kano tangurí. Ñu kini tiníqo, Bret Yisiyó Moré Kini quoro o ne-ne ñu sonda kanata quoko tangurí. ^g **14:1** Uni soso ñundo Juda koro huru-huru parámi ka, owí *Sanedrin*, tangurí. Enendo Juda unipare ronda yereyanganurí. ^h **14:5** “denarius” ñuko wondo musiyó ka, asa uni kato kosa naru kanatako kho teweya quno wondo musiyó kanata ñunde qu reweya. Asa ko denarius 300 ñuko wondo parámi horé. ⁱ **14:9** “miti mande” ñuko Anutuko *Kristo* asáñoní khumoro quhurínanimboro kimo tiní Anutu koya newonde kanata tewero juro mande meté mu nange.

ɲu yesowoyowaŋgo quno ɲuno pare ɲando o tete ɲuro ɲuya yewaŋgo, ko pare ɲuro iɲowaŋgo.”

Jutasko Yesu re uni kandeyemo rotowero mande kusiyaró
(*Matyu 26:14-16; Luk 22:3-6*)

¹⁰ɲu naruko ɲuno Jutas Isikariot, iɲo-iɲo rewero uni ¹²*j* qu kato, Yesu kandeyemo re rotowero quro o qa-qa unindoro tapá unino^k uyaró. ¹¹Uyaro yimironí ninguningu tero eneɲo khoyó kimowero quro miranɲurí. ɲunde miroyí eneɲo kandeyemo re rotowero quro naru meté seɲaró.

Yesu koya iɲo-iɲo rewero unindoya Taka yereró koro o naɲurí.
(*Matyu 26:17-25; Luk 22:7-14,21-23; Jon 13:21-30*)

¹²Asa Bret Yisiyó Moré Kini quro o ne-ne^l koro kosa naru korete quno Juda unipareto sipsip simó ka, owí, “Taka yereró,” yero nekoyanɲurí ɲu uroyi khumoní qaro naɲurí. Asa ɲu naruko ɲuno iɲo-iɲo rewero unindo^m Yesu ɲande oseseyanɲurí, “Dano nore Taka yereró quro o ne-neⁿ ɲu roɲgaruwato ke o ɲu neweya?”

¹³ɲunde yi Yesuko iɲo-iɲo rewero uni irisa neko yerero ɲande yimiraró, “Yendé parámimo ɲuno uyariríqo, uni kato sono kumbe ka re kheko ɲuno mahe wisumu yereweya ɲu. Yari ɲu howiri ¹⁴ya kano oníqo, ya simburí ɲande mirori qembe, ‘Rondaq-e-rondaq uni ɲundo ɲande osese kerete: No iɲo-iɲo rewero uninemboya Taka yereró quro o ne-ne ɲu newato. ɲuro yakutí ɲu dana?’” ¹⁵ɲunde yiríqo, ya simburímbo yakutí parámi roɲgaruwaró mu witú yereweya. Asa yakutí ɲuno o newero ɲu roɲgaruwori qembe.”

¹⁶ɲunde yimironí uni irisa ɲu yendé parámimo ɲuno oro o soso Yesuko yaró ɲuko ɲunde naɲge tunoqaró. Asa ko yakutímo ɲuno Taka yereró quro o ne-ne ɲu roɲgaruwariyó.

¹⁷Asa suwo tiniqo, Yesu koya iɲo-iɲo rewero uni khe saɲiyoro irisa ɲuya Yerusalem oɲgurí. ¹⁸Ya quroko oro o nero Yesuko ɲande yaró, “No

^j 14:10 “iɲo-iɲo rewero uni 12” ɲuko Yesu rokó yiriní topé-topé horé tunoqanɲurí.

^k 14:10 “o qa-qa unindoro tapá uni ” ɲundo *Ya Surumíto* hu-hariri sopoyanɲurí.

^l 14:12 “Bret Yisiyó Moré Kini quro o ne-ne ” ɲuko naru parámi ka, asa Israel unipareto sonda kanata soso ɲuno bret yisiyó moré kini naɲurí. Komo suki Anutuko unipare ɲu *Isip* noɲgo yoriní areɲgurí. Arewero taɲgurí quno ɲuno bret hamó qawero mepémo kini. Kini, bret yisiyó moré kini nange, asa plaua, sono nange qanɲurí. ɲunde ɲuroko kumima naru rokóɲoro o tunoqaró ɲuro iɲoro o ne-ne ɲu teyaŋgo. ^m 14:12 “iɲo-iɲo rewero uni ” ɲundo Yesu koya uyaro iɲo-iɲo rondaq-e yunoyaró. ⁿ 14:12 “Taka yereró quro o ne-ne ” ɲuko naru parámi ka. Komo suki Anutuko Israel unipare *Isip* noɲgo yoriní areɲgurí. ɲu naruko ɲuno *sambo simó* saɲgirí kato *Isip* koro simó urumuni korete qu soso yuri khumangurí. Quko Israel unipareto Anutu koro mandí howero *sipsip* simó yutoro sitú makoyemo sonowoyi *sambo simómbo* eneɲo simóye taka yiriní kama khumangurí. ɲunde ɲuroko kumima naru rokóɲoro sipsip simó yutoro o ne-ne teyaŋgurí.

hamó yeteno. Ye keweroyemo kato itaka noya o neyotero ŋuko no norero uni saŋgiri kandeyemo norotoweya.”

¹⁹Ŋunde yiniqo, ijo-ijo rewero uni soso newonde surumí tero kato-kato oseseyangurí, “Uni ŋu nondope?”

²⁰Yiqo, ŋande yaró, “Uni ŋuko ijo-ijo rewero uni khe saŋiyoro irisa qu ka. Ene noya kondó ŋano kopo neyotero. ²¹Unindoro Naŋuní^o ŋuko mande sokomeko^p nakayáŋgurí ŋu naŋge howero khumoweya. Quko uni ŋundo Unindoro Naŋuní ŋu re rotoweya quko, o iniyaqe, quhurí piyimi korowoweya. Námbo koretero uni ŋu kama pisiyaró tiniqo, meté.”

Yesuko bret, wain ijo-ijo rewero uni ŋu re yunaró
(*Matyu 26:26-30; Luk 22:15-20; 1 Korin 11:23-25*)

²²Asa o neyate Yesuko bret ka rero Anutu yuŋgunaŋoro romboŋero ijo-ijo rewero uniyó^q yunoro ŋande yimiraró, “Ri. Ŋako neneŋo kowene na,” yaró.

²³Niqo, kusí ka rero Anutu yuŋgunaŋoro yunoní kanata-kanata naŋgurí.

²⁴Ni ŋande yimiraró, “Ŋako neneŋo sitúne na, mande kondé^r ŋu reweya. Sitúne ŋu unipare qambu koro windoroŋowe teteno. ²⁵No hamó yeteno. Wain kaŋuya kama newano, yate Anutuko unipareyó wiri yereyote naruyómo^s ŋunoqota, wain keta newano.”

²⁶Ŋunde yini yambo ka yi kini tiní mirako uro mira purí Oliv ŋuno oŋgurí.

Yesuko Pitako eneŋo huwóŋoweya quro miraró
(*Matyu 26:31-35; Luk 22:31-34; Jon 13:36-38*)

²⁷Yesuko ŋande yimiraró, “Imemoŋgo, iŋondutuye^t muko piyo tero ye soso norotowaŋgo. Dokoro sokomeko ŋuno ŋande nakayáŋjaró,

“Nondo sipsip sopo-sopo uroweqo
sipsip soso wisikaraŋowaŋgo.”

²⁸Quko nondo khumoro otoqoroqota ye taka yerero Galili mirako uwano.”

²⁹Ŋunde yini Pitako ŋande miraró, “Uni soso iŋondutuye muko piyo tewawaŋgo, peka, quko nondo ŋunde kama tewano.”

³⁰Yini ŋande yaró, “No hamó kimiroteno, itaka suwonoko kotori naru irisayómo kama yeyoniqota keto naru kapusako neneŋo wawa yeweya.”

^o 14:21 “Unindoro Naŋuní ” ŋuko Yesu naŋge. ^p 14:21 “sokome” ŋuko Anutu koro mande korete qu, asa Murí Tero yate Malakai kini tete. ^q 14:22 “ijo-ijo rewero uni ” ŋundo Yesu koya uyaro ijo-ijo rondaqe yunoyaró. ^r 14:24 “mande kondé ” ŋuko Anutuko unipareyómboya kusiyaró. ^s 14:25 “Anutuko unipareyó wiri yereyote naruyómo ” ŋuno iŋondutu unipareko hamó Anutu kusunoyómo yowaŋgo. ^t 14:27 “iŋondutu ” ŋuko ŋandiro, asa unipareto ŋande kondé ye iŋoyotenŋo, ko Anutuko meté sopo yereweya.

³¹Quko Pitako kondé ñande yaró, “No keya koporo nuri khumowaro, quko no keño wawa kama yewano,” yini ño-ño rewero uni soso ñuyako ñundiro yañguri.

Yesuko Getsemani mirako ñuno hariri taró

(*Matyu 26:36-46; Luk 22:39-46*)

³²Asa yendé ñu rotoro mira ka owé Getsemani ñuno oro Yesuko ño-ño rewero uniyó“ ñande yimiraró, “Ñano kunditeyurika no hariri tewe.” ³³Ñunde yero Pita, Jems, Jon yorero oroqo newondeye yukuwoní ³⁴ñande yimiraró, “Newondenembo quhurí horé tiní no khumowe teteno. Ye ñano yotoya toñete sopoyuri.”

³⁵⁻³⁶Ñunde yero soñga ta kapiyamo oro nokono umbu etero hariri tero Anutu ñande miraró, “O awane horé, keto o soso koro wimbí teyote. Ke ño nunoyaqo, topa newano ña rika toñini. Quko ño-ñone mu ma howewero. Kini, keñombo na ti qembe.”

³⁷Hariri tiní kini tiní mahini uni kapusa ñu eteyuri Yesuko Pita ñande miraró, “Saimon, kepe eteyote? Naru piru kini, tukuni ta toñetewero mepémo kini. ³⁸Ye kondé toñeteya hariri ti qembe. Yate ye osese kano umbuwango koro. Hamó, yuqaye muko o meté tewero nuñguri tete, quko koweye sañani ñuko kondé kini.”

³⁹Ñunde yero roto toñero hariri ñu pitu ko taró. ⁴⁰Tini kini tiní pitu ko eneno mahero yioníqo, eteyañguri, dokoro kupo tero toñeye quhurí taró. Eteyuri okoko yirini mande topé tewero mepémo kini tañguri.

⁴¹Naru kapusayómo quno mahero ñande yimiraró, “Yembe watí ete kapeyotengope? Koro ñu! Qeni, naru tete, unindo Unindoro Nañuni’ ñu re quhurí uni kandeyemo rota. ⁴²Ye otoqoyika uyato. Qeni, uni nore uni piyimi kandeyemo norotoweya ñundo kutaqemo mahete.”

Jutasko Yesu re uni piyimi kandeyemo rotaró

(*Matyu 26:47-56; Luk 22:47-53; Jon 18:3-12*)

⁴³Asa waka ta Yesu mande yeyoní nange, Jutas, ño-ño rewero uni 12^w qu ka, ñundo mahero. Mahero uni wini parámi horé suke parámimboya usú ñuya se towo eneya mahañguri. O qa-qa unindoro tapá uni ñuya hutuño mande ñuro ño-ño unindoya uniparetoro uni kembé-kembéyemboya^x uni ñu asá yiri mahañguri.

⁴⁴Komo Jutasko rokó karo ñande yimiraró, “Nondo uni ka mutó inowano. Uni ñuko Yesu, towoya toñi qembe.” ⁴⁵Asa Jutasko mahero

^u 14:32 “*ño-ño rewero uni*” ñundo Yesu koya uyaro ño-ño rondaqe yunoyaró.

^v 14:41 “*Unindoro Nañuni*” ñuko Yesu nange. ^w 14:43 “*ño-ño rewero uni 12*” ñuko Yesu rokó yirini topé-topé horé tunoqañguri. ^x 14:43 Uni soso ñundo Juda koro huru-huru parámi ka, owí *Sanedrin*, tañguri. Enendo Juda unipare ronda yereyañguri.

Yesu taŋgímo mahero ŋande yaró, “Rapi,”^y yero mutó naró. ⁴⁶Mutó rini uni mahero Yesu toworo kondé towangurí. ⁴⁷Towoyi uni sume yerero kaŋangurí qu kato suke parámiyó rero tapá unindoro sunará simó qu ka uoro kusumbí takaní kusumbí nokono umburó.

⁴⁸Ŋunde tini Yesuko ŋande yimiraró, “Yendo no wiri yerete unindoya kuma teyoteno ŋundiro suke parámi, usú siyoro kondé nondowowero mahetengo, peka? ⁴⁹Naru rokóŋo Ya Surumímo ŋuno nondo yeya kaŋero mande rondaqe yunoyanowó. Quko ŋu naruko ŋuno kama nondowangurí. Asa meté, ŋandiro mande sokomeko^z ŋuno nakayáŋangurí ŋu hamó tunoqeweya.” ⁵⁰Ŋunde yiniqo, iŋo-iŋo rewero uniyó soso Yesu rotoro soraŋgurí.

⁵¹Asa simó keta kato Yesu howeyaró qu tuwi meté mu kinanŋe punuworo ŋuno kaŋaró. Kaŋini kuma unindo towoyiqo, ⁵²simó keta ŋu sorini tuwi ŋu wendaŋini umbuni birimbiri soraró.

Juda koro uni kembé-kembémo Yesu mande kho inangurí
(*Matyu 26:57-68; Luk 22:54-55,63-71; Jon 18:13-14,19-24*)

⁵³Asa uni ŋundo Yesu toworo o qa-qa unindoro tapá unindoro^a yano oŋgurí. Ŋuno uni tapá ŋuya uni kembé-kembémo hutuŋo mande ŋuro iŋo-iŋo unindoya ŋuno kopaŋgurí.^b ⁵⁴Pita ŋuya yohowe uyaró. Uyarini tapá uni ŋuro pase quro hoŋgo quroko ŋuno sopo-sopo unindo kunditero kewá qaro rokoyangurí. Rokoyuri Pita ŋuya ŋuno oro kaŋe rokaró.

⁵⁵Asa ya quroko O qa-qa unindoro tapá uni ŋuya uni kembé-kembé soso ŋundo Yesu uri khumowero khe ka seqangurí. Ŋunde ŋuro o piyimi ka taró ŋuro mande ka seqayate kama inangurí. ⁵⁶Uni kumi mande kota-kota yangurí, quko mande enesó-enesó yangurí. Ŋunde ŋuroko mande ŋuro uroyi khumowero mepémo kini.

⁵⁷Kumi kaŋero mande kota ŋandiro yangurí, ⁵⁸“Uni ŋundo ŋande yaró, ‘Ya Surumí^c ŋu rambaruruwano. Ko naru kapusa ŋunde rotoro keta qu towowano. Quko keta ŋuko kandeto kama towowano.’ Ŋunde yini inatowó,” yangurí. ⁵⁹Quko uni meyowo-meyowombo mande enesó-enesó yangurí. Ŋunde ŋuroko mande ŋuro uroyi khumowero mepémo kini.

⁶⁰Ŋunde yiriqo, tapá uni ŋundo keweroyemo kaŋero Yesu ŋande oseseyaró, “Uni ŋando mandeyari saŋga kerete. Ketope mande topé ka yeweyape ma kini?” ⁶¹Quko Yesuko mondó ta kunditero mande topé ka kama yaró.

^y 14:45 “Rapi” ŋuro murí muko ŋandiro, “Rondaqe-rondaqe Uni.” ^z 14:49 “sokome” ŋuko Anutu koro mande korete qu, asa Murí Tero yate Malakai kini tete. ^a 14:53 “o qa-qa unindoro tapá uni” ŋundo Ya Surumímo hu-hariri sopoyangurí. ^b 14:53 Uni soso ŋundo Juda koro huru-huru parámi ka, owí *Sanedrin*, taŋgurí. Enendo Juda unipare ronda yereyangurí. ^c 14:58 “Ya Surumí” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyangurí.

Pitu ko ḡande oseseyaró, “Kepe Kristo ḡu, Anutu koro Naḡunímbe, ma kini?”

⁶²Ḥunde yini Yesuko ḡande yaró, “Iyo. Ko yendo Unindoro Naḡuní^d qeniḡo, Anutu wimbí moré ḡuro kandí kondésina kunditini qenewañḡo, ko sambo koro koporéwore maheweya ḡu qenewañḡo.”^e

⁶³Ḥunde yiniḡo, o qa-qa unindoro tapá uni ḡundo newonde piyimi tero eneḡo tuwiyó romboḡero ḡande yaró, “Do karo uni kaḡuya neko yereto quhuríḡo ḡuro yesowowañḡo! ⁶⁴Ye soso mande piyimi ḡa iḡoyoteḡo. Date tewato?”

Ḥunde yini uni kembé-kembé soso ḡande yaḡḡurí, “Meté urato khumoweya,” yaḡḡurí. ⁶⁵Ḥunde yiḡo, uni kumimbo tuteworo toḡi pokamoro kandeto utoro ḡande oseseyañḡurí, “Dani kato kurote?” yaḡḡurí. Ḥunde ti sopo-sopo unindo kandeto urañḡurí.

Pitako wawa mande yaró

(*Matyu 26:69-75; Luk 22:56-62; Jon 18:15-18,25-27*)

⁶⁶⁻⁶⁷Asa Pita ya kimbino kaḡero te rokoyoní o qa-qa unindoro tapá unindoro sunará pare ka mahero kondé-kondé qenero ḡande yaró, “Keya Nasaret noḡo uni Yesu ḡuya yotiri,” yaró.

⁶⁸Quko Pitako wawa yero ḡande yaró, “Kini, keḡo mandeke ḡu kama iḡowe tondaḡete,” yero roto toḡero hoḡḡo makono uyareró. Ḥuno uyarini kotori kato yaró.

⁶⁹Ko pare ḡundo uni kaḡeyañḡo qu ḡande yimiraró, “Uni ḡuya uni ḡuro wini qu ka.”

⁷⁰Ḥunde yiniḡo, pitu ko Pitako wawa yero ḡande yaró, “Kini,” yaró.

Imemoḡḡo, naru tukuni naḡḡe, uni kaḡeyañḡo ḡundo ḡande yaḡḡurí, “Iyo, keko Galili uni ka. Asa keko iḡo-iḡo rewero uniyó ka,” yaḡḡurí.

⁷¹Ḥunde yiḡo, mande kondé ḡande yaró, “Uni yeteḡḡo ḡu no kama iḡo inoteno! Ko no hamó kama yeweqo, asa Anutuko no rambaruru nereweya.” yaró.

⁷²Yiniḡo, waka ta kotori kato pitu ko yaró. Komo Yesuko mande ka ḡande miraró, “Itaka suwonoko kotori naru irisayómo kama yeyoniḡota keto naru kapusako neneḡo wawa yeweya,” yaró. Asa ḡuro iḡoro newonde surumí tero tendaró.

Pailatko Yesu rondaḡaró

(*Matyu 27:1-2,11-14; Luk 23:1-5; Jon 18:28-38*)

15 ¹Ita saraḡoniḡo, o qa-qa unindoro tapá unindoya Juda koro uni kembé-kembémboya hutuḡo mande ḡuro iḡo-iḡo unindoya

^d 14:62 “Unindoro Naḡuní” ḡuko Yesu naḡḡe. ^e 14:62 Daniel 7:13 weyo qembe.

ronda-ronda uni soso koya kopañgurí.^f Koporo mande ka yero Yesu kusiyo re uyaro Pailat^g ñuro kandímo rotañgurí.

²Re uyari Pailatko ñande oseseyaró, “Kepe Juda uniparetoro wiri yerete uni ñumbe, ma kini?”

Yiní mande topé ñande yaró, “Keñombo ñunde nañge yete,” yaró.

³Yiníqo, o qa-qa unindoro tapá uni ñundo Yesu ñuro mande piyimi qambu Pailat mirañgurí. ⁴Ñunde miroyi pitu ko oseseyaró, “Do mande topé ka yewero? Mande piyimi qambu yeyoteño,” yaró.

⁵Quko mande topé ka kama yaró. Ñunde ñuro Pailat ñondata parámi taró.

⁶Kumima naru kanata-kanata Taka yereró quro o ne-ne naruyómo^h ñuno, murí ka howeyara. Murí ñuko ñandiro, unipare qambu ñundo uni kanata ka kusi-kusi yano yaró ñu owí nekoyiqo, Pailatko uni ñu rotoní eneno uyaró. ⁷Juda uni ka, owí muko Barapas, ñuya topé-topémboya kusi-kusi yano yañgurí. Uni ñundo Rom koro wiri yerete unindoro mande qu wendaqero, kuma tero, unipare kumi yuroyi khumañgurí.

⁸Asa unipare qambu ñundo Barapas rotowero quro oseseyowero areñgurí. ⁹Ari Pailatko ñande osese yereró, “Metémbe Juda uniparetoro wiri yerete uni ña re rotowanope ma kini?” yaró.

¹⁰Pailatko ñande ñomukaró, ko o qa-qa unindoro tapá uni ñundo Yesu koya newonde tutu tero re towo kusiyo mahañgurí. Ñunde ñuroko unipare ñandiro osese yereró. ¹¹Ñunde quko uni tapá ñundo unipare mande yimiroyi unipareto Pailat ñande mirañgurí, “Barapas nañge re roto,” yañgurí.

¹²Pitu ko ñande osese yereró, “Juda uniparetoro wiri yerete uni ñu, no date te inowe?”

¹³Yiní mande kondé yañgurí, “Re tipiririkoⁱ uroyi!”

¹⁴Ñande osese yereró, “Do piyimi ka tiní ñuro?”

Yiní mande kondé parámi yañgurí, “Re tipiririko uroyi!”

¹⁵Ñunde ñuroko Pailatko unipare qambu ñu meté yerewero Barapas rotoní eneno uyaró, ko Yesu riní kuma unindo uñguru-gurumoro tipiririko urowero re uyareñgurí.

^f 15:1 Uni soso ñundo Juda koro huru-huru parámi ka, owí *Sanedrin*, tañgurí. Enendo Juda unipare ronda yereyañgurí. ^g 15:1 “Pailat” ñuko *Rom* uni ka. Rom koro wiri yerete uni parámi ñundo Pailat owé parámi inoní enendo Judia mira sopoyaró. ^h 15:6 “Taka yereró quro o ne-ne” ñuko naru parámi ka. Komo suki Anutuko Israel unipare *Isip* noño yoriní areñgurí. Ñu naruko ñuno *sambo simó* sañgirí kato *Isip* koro simó urumuni korete qu soso yuri khumañgurí. Quko Israel unipareto Anutu koro mandí howero *sipsip* simó yutoro sitú makoyemo sonowoyi sambo simómbo eneño simóye taka yiriní kama khumañgurí. Ñunde ñuroko kumima naru rokóño sipsip simó yutoro o ne-ne teyañgurí. ⁱ 15:13 “tipiriri” ñunde quko wiri yerete uni kumimbo eneño uni sañgiríye yorero ñuno uroyi khumoyañgurí.

Kuma unindo huwó mande yero Yesu towaŋguri
(*Matyu 27:27-31; Jon 19:2-3*)

¹⁶Asa kuma uni ŋundo Yesu rero Rom koro uni kembémboro yano oro topo-topoye soso neko yerenguri. ¹⁷Ŋundo mahero wiri yerete unindoro tuwi mandumi huririyó^j re kowí punuworo utó kami moré ka re wakaro wiri yerete unindoro takapu ŋunde qembe kembémo raŋguri. ¹⁸Ŋunde tero ŋande yaŋguri, “Juda uniparetoro wiri yerete uni ŋu, ke mahete ŋu,” yaŋguri. ¹⁹Ŋunde yero satémbo kembémo utoro tuteworo potoruku kota-kota re inaŋguri. ²⁰Ŋunde tero huwó mande yi kini tiní tuwi mandumi ŋu re rotoro eneŋo kowe punu-punuyó re inaŋguri. Ŋunde tero rero tipiririko urowero re uyaŋguri.

Yesu re tipiririko uraŋguri
(*Matyu 27:32-44; Luk 23:26-43; Jon 19:17-27*)

²¹Asa kuma unindo Yesu re uyaroo, uni ka ŋuya towaŋguri. Uni ŋu Sairin yendé moŋgo, owí muko Saimon, eneko Aleksanda, Rupus koro awayari. Enendo siku noŋgo mahero yendémo owero taró. Asa uni ŋu toworo tipiriri re inoyi korowaró.^k ²²Uyareyate mira ka, owí muko Golgota, ŋuno oŋguri. (Owé ŋu “Golgota” murí muko “Kembémboro Wimbí ŋuro mira ŋu.”) ²³Ŋuno sono kondé ne kape tiní, yero re inaŋguri. Quko kama naró. ²⁴Re mahero kowe punu-punu wendaŋero tipiririko utoro kowe punu-punuyó rewero kundo ka taŋguri.

²⁵Ita saraŋoní 9 kilok ŋuno tipiririko uraŋguri. ²⁶Ko tipiriri sombémo ŋuno o piyimi taró muro mande ka ŋande nakayaŋguri, “Juda Uniparetoro Wiri Yerete Uni ŋa.” ²⁷Uni irisa ŋuya yorero ka kandí kondésinawore tipiriri kano porowaŋguri, ko ka kandí tesinawore tipiriri kano porowaŋguri. Uni ŋundo Rom koro mandeye wendaqero kuma teyari. ²⁸(-)^l ²⁹Asa unipare uyaro yesaraŋoro kembaye ituqero ŋande yaŋguri, “Keto, Ya Surumí^m rambaruruworo kosa naru kapusa quno ŋuno keta rewano, yaró! ³⁰Asa keŋombo nanŋe rambaruru ŋa takaya tipiriri roto umbu,” yaŋguri.

³¹Ŋundiro nanŋe o qa-qa unindoro tapá unindoya hutuŋo mande ŋuro iŋo-iŋo unindoya huwó mande yero epe mito-mito taŋguri, “Uni ŋundo

^j 15:17 “tuwi mandumi huririyó” ŋuko wiri yerete unindoro kowe punu-punu ka ŋunde qembe. ^k 15:21 “tipiriri” ŋunde quko tatá suruŋo nokono raŋoro piŋo papare ka koreko kusiyoŋo uni ŋuno porowoyaŋguri. Naru rokóŋoro uni tipiririko ŋuno khumoweya ŋuko papareyó re koroworo khumowero quro mirayómo ŋuno uyaŋguri. Ŋunde quko Yesuko kowe surumí parámi tero korowowero mepémo kini. ^l 15:28 Komo suki Makiko mande soso ŋa nakayaŋaró, ko imemoŋgo uni meyowo peka mande kaŋuya ŋano sowe taró. Mande ŋuko ŋandiro: ²⁸ “Ŋunde tero Anutu koro mande qu ka hamó taró. Mande ŋuko ŋandiro: ‘Ŋundo uni piyimi ka nanŋe rokóŋaŋguri.’” ^m 15:29 “Ya Surumí” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyaŋguri.

uni kumi rambaruru koŋgo yorewero taró. Quko rambaruru ŋa takawero mepémo kini. ³²Kristo ŋundo, Israel uniparetoro wiri yerete uni ŋundo, tipiriri roto umbuníqo, nore qenero iŋondutuwowato.” Ŋunde yi uni irisa kawore-kawore poro yereŋgurí ŋundo mande piyimi ye mirariyó.

Yesu khumaró

(*Matyu 27:45-56; Luk 23:44-49; Jon 19:28-30*)

³³Asa kosa keweroko mira soso huriri teyate suwoya 3 kilok ŋunde taró. ³⁴3 kilok ŋundiro Yesu kondé ŋande kiwaró, “Eloi, Eloi, lama sapaktani?” yaró.” (Mande ŋuro murí muko, “Anutune, Anutune, do karo norotote?”)

³⁵Uni kumi kutaqe kaŋaŋgurí ŋundo mande ŋu iŋoro ŋande yaŋgurí, “Ŋoyi, enendo Elaija nekote.”

³⁶Ŋunde yi uni kato kheŋgeŋoro o piwo qembe ka rero wain oŋgomi quroko riní maŋgoriní satémbo kusiyoro hokoro Yesu maŋgómo re inoro ŋande yaró, “Elaijako^o mahe tipiriri koŋgo re rotoníka qeneto,” yaró.

³⁷Quko Yesuko ki parámi tero yuqayó rotoro khumaró.

³⁸Khumoníqo, Ya Surumímo tuwí parámi ka ŋuno pikaŋgurí mu^p kore koŋgo kosaŋe kusuŋono umburó. ³⁹Asa kuma unindoro sopo-sopo kato tipiriri taŋgímo kaŋero Yesu khumaró ŋuro murí qenero ŋande yaró, “Hamó horé, ŋuko Anutu koro naŋuní,” yaró.

⁴⁰Asa pare kumi kapiyamo kaŋero qeneŋgurí. Keweroyemo ŋuno kumi muko ŋandiro: Maria, Maktala yendé moŋgo quya Maria kako, Jems, Joses koro náyari, koya Salome. ⁴¹Komo pare soso ŋundo Galili mirako Yesu howero samakaŋoyaŋgurí. Asa pare kumi qambu Yesu koya Yerusalem oŋgurí mu ŋuno kaŋero Yesu qeneŋgurí.

Yesu re tapuŋaró

(*Matyu 27:57-61; Luk 23:50-55; Jon 19:38-42*)

⁴²Yesu khumaró naru ŋuko Sapat koro roŋgaruwowero naru.^q Ŋunde ŋuroko kosa pusuŋewero tiníqo, ⁴³uni pará-parámbo huru-huru koro uni ka Arimatea yendé moŋgo, owí Josep, ŋu maheró. Enepa naŋge Anutuko unipareyó wiri yereyote naruyó^r ŋuro sopoyara. Asa sasaro

ⁿ 15:34 Hariri Yambo 22:1 weyo qembe. ^o 15:36 “Elaija ” ŋuko Anutu koro *ye-ye uni* komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). ^p 15:38 “tuwi” ŋuko *Ya Surumí* quroyómo Wembó Surumí koya Wembó Surumí Horé keweroyarimo yora (Toŋeŋgurí 26:31-33; 40:21 weyo qembe). Juda unindo ŋande ye iŋaŋgurí, ko Wembó Surumí Horé muno ŋuno Anutuko kunditeyara, quko tuwí ŋuko wisumuŋaró, unipareto owero mepémo kini. ^q 15:42 Juda unindo naruye muko ŋandiro: kosa pusuŋiníqota naru keta qu tunoqaró. Asa suwo tiní yate-yate ita saraŋoní yate-yate suwo pitu ko taró, ŋuko naru kanata ka. Asa koretero “roŋgaruwowero naru” ŋu tunoqiní, yate *Sapat naru* taró. ^r 15:43 “Anutuko unipareyó wiri yereyote naruyómo ” ŋuno iŋondutu unipareko hamó Anutu kusuŋoyómo yowaŋgo.

kama tero Pailat Yesu koro ukúño rewero kirayaró. ⁴⁴ Ñunde yini Pailatko Yesu khumaró ñuro ñjondata parámi tero kuma unindoro sopo-sopo ñu nekoró, komo khumape ma kini, ye oseseyaró. ⁴⁵ Oseseyoní, “Khuma,” yiniño, Josepko ukúño meté rewero ñunde yaró. ⁴⁶ Asa ko Josepko uyare tipiriri koñgo ukú re rotoro tuwi kekere sara-sara qundo pokamoro uni tapu wondo yayó^s quroko rero wondo parámi ka rero mako tunjaró. ⁴⁷ Ko Maria Maktala noñgo quya Maria, Josep koro nimí ñuyako dano tapunjaró ñu qeneriyó.

Yesu otoqaró

(Matyu 28:1-8; Luk 24:1-12; Jon 20:1-10)

16 ¹ Asa Sapat naru^t ñu kini tiniño, pare kapusa ñu, Maria Maktala noñgo quya Maria, Jems koro nimí ñuya Salome koya Yesu ukúño sañano rewero quro o nuñgurí mu kimañgurí. ² Kimoro sonda naru korete quno, ita sarañoní uni tapuko^u ñuno uyareñgurí. ³⁻⁴ Uyareyate wondo parámi uni tapu wisumuñjaró ñuro yero ñjoro epe mito-mito tañgurí, “Dani kato samaka nerero wondo parámi ñu rohoré-rohoréñoweya?” yañgurí. Yero kutaqe mahero toñetiqo, wondo parámi ñuno qu kikiñjoni tapémo uró.

⁵ Asa wondo yayómo oro simó keta ka qeneñgurí. Simó keta ñu tuwi piru sara-sara ka punuworo kande kondésina kunditeyaró. Kunditiní genero newondeye yukuwaró.

⁶ Quko ene ñande yimiraró, “Ma yukuwowero. Yembe Yesu Nasaret noñgo qu re tipiririko^v urañgurí mu ñumbe seqatengó? Ñuko komo otoqoro toñe, ñano kama yote. Dano ri etaró ñu qeni. ⁷ Asa ko ye uyika ñjo-ñjo rewero uniyómboya^w Pita ñuya piña mande ña yimiri, ‘Yesu koretero Galili mirako uní ñuno qenewañgo. Ñundiro nañge komo yimiraró.’”

⁸ Ñunde yiniño, pare ñu ñjondutuye enesó-enesó tini sorañgurí. Sorero sasaro parámi tero uni ka kama mirañgurí.

Mande weña qu

⁹ Asa sonda naru korete quno, ita sarañoní, Yesu otoqoro tunoqini koretero Maria Maktala noñgo ñundo qeneró. Komo, Yesuko Maria

^s 15:46 “uni tapu” ñuko wondo yayó nañge. Juda unindo uni khumaró ñu rero wondo yayó huwósina rotoyango. ^t 16:1 “Sapat naru” ñuko sonda naru weña ñu. Ñu naruko ñuno Juda unipareto *huru-huru yayemo* huruworo Anutu koro mandí weyoyi ñjoro hariri teyañgurí. Ñu naruko ñuno kho ka tewero mepémo kini (Toñengurí 20:8-11 weyo qembe). ^u 16:2 “uni tapu” ñuko wondo yayó nañge. Juda unindo uni khumaró ñu rero wondo yayó huwósina rotoyango. ^v 16:6 “tipiriri” ñunde quko wiri yerete uni kumimbo enejo uni sañgiríye yorero ñuno uroyi khumuñgurí. ^w 16:7 “ñjo-ñjo rewero uni” ñundo Yesu koya uyaro ñjo-ñjo rondaqe yunoyaró.

newondímo yuqa piyimi kande sañiyoro irisa^x yohowaró. ¹⁰Yesu otoqaró quño iño-iño rewero uniyó ñundo^y ya kano Yesu khumaró ñuro newonde surumí tero tendoyañgurí. Asa pare ñundo ñuno uyaro Yesu otoqaró ñuro yimiraró. ¹¹Quko piña mande ñu iñoro, hamó kini, yero iñañgurí.

¹²Imemoñgo iño-iño rewero uni irisa Yerusalem yendé rotoro khewore uyareyori Yesu ñuno tunoqiní qeneriyó. Quko koretero kama qene iñariyó. ¹³Yate iñomukoro iño-iño rewero uniyó meyowo ñu Yesu ñuro yimirariyó. Quko mande ñu hamó kini yañgurí.

¹⁴Tukú iño-iño rewero uni khe sañiyoro kanata ñundo o qoyembo neyuri Yesu keweroyemo tunoqiní qenengurí. Qeni Yesuko kiro mande yimiraró. Dokoro Yesu otoqaró ñuro piña mande qambu iñoro, hamó kini, ye iñoro kama iñondutuwoyañgurí.

¹⁵Yero ñande yimiraró, “Mira soso ñuno uya miti mande ña yesowoyi qembe. ¹⁶Ñunde yimiri unipare kato iñi hamó tiní sono riqo, rambaruru koñgo yoreweya. Quko kato iñi hamó kini tiníqo, ñuko quhuriyembo topé rewango. ¹⁷Unipare soso iñondutuwooro o wimbí moré^z ñande tewango: owénemo uni quro koñgo yuqa piyimi mu yohowewango, mande enesó-enesó yewango, ¹⁸kandeto sire yondowowango, sono sañgirí nero kama khumowango, kandeye se khumo uni sañano ri meté tewango.”

¹⁹Asa Yesu, Uni Parámi ñundo, yini kini tiníqo, riní samboko oro Anutu koro kandí kondésina^a kunditaró. ²⁰Iño-iño rewero uniyó ñuno rotoro mira soso uyare miti mande yimirañgurí. Ñunde ti Uni Parámimbo samaka yerero mandeye wimbu inowero koro o wimbí moré qambu taró.

^x 16:9 “yuqa piyimi” ñuko *sambo simó* ñunde qembe, quko Anutu koro sañgirí tero unipare rowore yereyotengó. ^y 16:10 “iño-iño rewero uni” ñundo Yesu koya uyaro iño-iño rondaqo yunoyaró. ^z 16:17 “o wimbí moré” ñuko o enesó-enesó tunoqiní Anutu koro wimbí ñunde tunomo yoweya. ^a 16:19 Uni owé parámi moré ñu nañge wiri yerete uni kandí kondésina ñunde kunditanqurí.